

玉

髓

真

經

玉髓真經卷第十二

鬼星論隨目錄

三台

正一文星

之玄

笏筭

櫃庫

魚帶

單魚象

玉几

屏帳

天梯

品字三台

夫妻

輔弼

守倉

倉庫

賜帶一名積帶

金印

玉枕

如意

樓臺

泰階六符

飛符

扛屍

金櫃

三重垂魚

魚象

接財

屏枕

旌幢

攢兵

盤龍  
小穿珠  
飛錢  
金龜  
天蓋  
掛袍  
辨錢  
開門  
播帶  
鳳尾  
靴刀  
拖鎗

墜珠  
貫珠  
蛾眉牙梳  
印匣金龜  
天馬王鞭  
牙床  
橫擔  
漏腮  
鈴杵  
雉尾  
人鎗  
飛鎗

大穿珠  
蛾眉穿珠  
天關地軸  
金瓶  
卸鞍  
旗鼓  
堆貯  
鉢盂鞋袋  
獨節  
照靴  
金鎗  
反鎗

散髮 抱頭 獻掌 伸脚 推送 牙吹 舞袖 布袋 誥軸 唐牒 帶柳 拖刀

抹髮 嚼頭 回抱 鑽懷 偷送 越杖 玉笋 順風 圓壁 幪頭 帶劍 刺刀

柱杖 探簾 抱兒 探懷 離隊 內進 雙笋 奪秀 琵琶 玉羣 劍履 疊刀

推背

孝順

串花

流沙

蚩尤

冠帔

子微總跋

腫尸

空亡

遊蜂

偃月

白芒

繩頭

子微總跋

伏尸

獻花

拋沙

流星

架紫條帶

伏焚一名飛香

崔氏或問

玉體真經卷第十二

鬼星論髓

曜星前沙是陽類陰類爲官更爲鬼鬼星復與官不同奪我真氣生後尾官星百吉一二雜鬼星吉凶半減否若言有鬼便作穴設遇凶星安得是

遇凶鬼則不是穴矣

官爲發泄鬼透漏二者相似却難比

發泄者貴秀餘氣逆裂發泄是盛之也透漏者將我真氣透漏反爲鬼賊故有吉凶

透漏如賊竊我氣又如剝肉生疣贅疣贅生來或入相或是生來形可愧官星却似人戶庭卓立旗幟立標識又如駐屯出扈衛又如華彩照開里所以官星異鬼星不可全喚作陰類鬼爲

全陰禍福紫歷代傳來有名字

係禍福爲最緊

第一鬼星名三台生出峰巒巧樣裁或如鼎足品字立三條  
絲線長短開條絲線長短開

中者長而居外傍者短而居內也如鼎足峙立不是高峰乃  
員巒低阜也

主出三公輔明主此鬼力量生英才魁名代代多先占門裁九  
棘并三槐

三公九卿世代有之

第二鬼星名品字三堆爲阜作一萃三堆一線生出來分出正  
身一條氣力量頗同三台星不到三公只相位  
不至三公只宰相而已

科名自是不卑微文譽聲名當日起子孫馮籍爲富貴代有文章出科第

次於三台所以分量差小即是本身氣脉不旺於三台

第三鬼星名六符此與泰階星不殊三條氣脉生六阜太平輔弼鼎鼐居力量文在三台上六世兒孫襲封餘

六符六箇同阜氣脉盛於三台富貴至六世子孫尚襲前封不替

第四鬼星號文星一字橫擔方又平氣脉如柄中間過恰如斗槩同一形文章蓋世生貴子貴子文章馳俊英科名出塵人不又待從論思內相清

文星專主文章聲價出人一頭富貴餘事

第五鬼星名夫妻兩峯相向面相隨出人顯貴仕宦順夫妻受



封象服宜

二峯相向如夫妻故仕宦亦順百事和合皆然

第六名爲飛符鬼摺疊如符寫天字

言如天書

出人秉國操大權少君取重君爲起

大臣秉國重權如周公伊尹人君見之在輿爲下在座爲起則在下又可知矣

第七鬼星名之玄外有包包抱如墻垣富貴雙全皆食祿一州一縣官俱全

一門之內州縣官自太守幕職曹屬令丞簿尉等官無不俱足也

第八鬼星名輔弼兩箇端員輔笏出甲乙科名如摘髭左右掌

國事可必

中間有鬼如笏而左右復有兩員峰夾輔此左右輔弼也

第九鬼星名扛屍恰似輔弼須要知輔弼笏山中直出橫開二岡如聯絲尸山中橫仍膀腫兩頭橫帶兩兒一似兩人扛屍去常出病人外面歸或是死屍千里此屍無主依附誰

扛尸與輔弼相似輔弼中間有山如笏直出而兩拳夾輔之扛尸在主山之後推出橫山如病腫之尸兩頭又有兩岡相連如二人扛一尸故不吉

第十名爲環笑鬼出得巫師香火起若有秀官并秀曜亦出土祠并祝士

環笑一峰頂上微破遠望如豎環笑出師巫神祝縱得好官曜亦出土祠豎廟祠祿祝士如今齊郎之類是也

十一名爲守倉鬼特特一峯斷後起富貴雙全力量深莫把此峯當容易

主山後斷絕微帶絲線特起一峯名爲守倉主大富大貴此力量最重也

十二鬼星名金櫃主後方岡頂平地

主峯後出方阜而阜頂之上爲平地形如櫃然故名金櫃爲至吉也

富足中間貴亦生亦有兒孫衣金紫

端嚴故亦主貴

十三鬼星名櫃庫五箇岡巒排定做或方或員相間起方者爲櫃員爲庫登科名位固不卑仕宦亦須歷五府諸州寄產家積多家累千金敵國富

帶懞多者故富可敵國五山環衛五府之象

十四鬼星名倉庫三山向背橫直過太平世界多幹運千箱萬  
倉爲大富德特仕宦出兒孫利重名輕作錢虜

鬼山與三台同而山之向背不順趨向不一故只可作利名  
重輕之地不可作大貴星也

三重垂魚第十五三衛三纏作龍虎虎山背後盡垂魚三代朝  
即接步武

三重虎山之外皆有垂魚之形而虎山纏繞又如腰帶之狀  
三代仕宦不絕皆升朝之官也

十六鬼星名魚帶將相公侯同一代子孫榮顯萃家門文武全  
材世無雙

此指護衛之山回環繫帶而言非獨一鬼取象可以全備

十七鬼星名賜帶重重繞護相文會將相公侯代代生子子孫  
孫自享泰

此亦兼指纏護而言

十八鬼星名魚象金魚象簡兩分樣又有小峯印主峯三公也  
位兼將相

主峯之後小峯爲鬼而兩傍又有象簡金魚位至三公兼兼  
相推國家倚重之狀

十九名爲單魚象來龍直入穿心樣不如橫龍別繞纏位至三  
公同力量

此力量與公相同上是橫龍此是直龍不可分輕重

二十鬼星名金印印在右腰帶來順此星大貴及兒孫更以文  
章名譽振

印在右爲順主文章

廿一鬼星名接財手山內見財外來出人開庫及商運大富榮華廣栽培

山後有山如手而外護山帶得山如財主出大富也

廿二鬼星名玉儿主峯之後彎環起出人清秀尊嚴富足爲官更大貴

玉儿如帶彎環而高此主富貴雙全

廿三鬼星名玉枕家富垣墻張綉錦乘麾五馬蔭兒孫盡戰清香疑宴寢

玉枕如枕在主峯之後主富貴也

廿四鬼星名屏枕一似屏帷方且整枕定後峯力量重相將大官執國柄

主山之後如垣屏帷主相將權勢大貴也

廿五鬼星名屏帳串出主山如帳樣別駕升朝假守臣若得帳長爲使相

以鬼帳短小故止出假守而已

廿六鬼星名如意主後三花勾向裏男爲俊秀婦美巧在外在內皆富貴自從葬後即生人大凡百事皆如意

主山之後仍似如意頭面力在家女出嫁內外皆富且貴加以所爲必成百事皆如意

廿七鬼星名旌旗高峯磊磊尖峰崇出人過府典大鎮節鉞威鋒驚遠戎

主山後一大高峯節節主小峯如旌旗然主過府典大藩鎮威聲遠服戎夷

日八尾星名天梯小大鱗次相高低世代登科名陸續代代  
堂立根基

主山之後先出低山一山高一山層層高去如梯級然旌旗  
則共一峯天標則不止一峯此星主世代登科富貴榮華也  
廿九鬼星名樓臺火星主峯堆復堆尖尖秀聚火焰此是瓊  
樓寶殿洲出人高杆狀元顯官至鳳閣并鸞臺安爲妃后男尚  
主舉家榮貴多祿媒

此火星之最貴者結爲鬼尾也

三十鬼星名攢兵小山十數還如城元戎將軍樹麾節夷狄震  
懾聞威聲

主山龍虎之外櫛比小山如羅城然此大將軍專城方鎮震  
服夷狄之狀若文臣亦帶節鉞武號也



三一鬼星名盤龍小則爲蛇大則龍先富後貴自綿遠子孫延  
壽傳無窮

盤龍山稍大小者爲蛇雖富貴亦主出人多毒害也

三二鬼星名墜珠落從鬼後秀之餘

主峯之後秀氣之餘

文章巧藝相並出婦女家學多名譽登科仕宦員機士朝即步  
武昇雲衢

珠主聰明又主員輔亦是文星男文女巧科名升朝之貴

三三鬼星大穿珠文章振譽飽讀書世世求毫官五馬蔭及親  
姻多紫緋

穿珠亦是文星橫貫在後五馬專城陸續不絕之象

三四鬼星小穿珠直穿向後三兩隨官雖不大大聲價子孫獲

續姑龍變

主出賢俊文學德望官不甚大而當

三五名爲貫珠鬼如貫小珠三五四文章貴名譽多字宙傳

芳列科第官小名尊多子孫子孫箇箇登朝位

清貴亦是昇朝官此亦是文星故有名譽子孫陸續不絕

娥眉穿珠三十六顆大小橫直起或在主後龍虎傍十字相穿爲極貴先出后妃門戶光國戚封侯子孫繼

主峰之後有娥眉貫珠龍虎之左右亦有娥眉貫珠此主女先貴然後男因女貴也

三七鬼星名飛錢恰以貫珠絲不穿此珠不貴最下賤出人賤傳賣庄田

珠小而多又且散亂不相聯屬所以無力量無秀氣只主下

賤飛錢賭博之象若珠大而有次序者為佳不聯無害

蛾眉牙梳三十八女生美貌多慧點入官進御作妃嬪光照家門官自發

此等星辰皆主女子先貴也

天關地軸三十九此鬼雙全今極少左右分張護送來主後生出分飛走富貴兩般盡如意卿監臺郎承眷厚

主山之後左右分出一龜一蛇亦是文星主承君恩眷顧富貴雙全清顯之象

四十鬼星名金龜頭足爬沙向後飛亦主朝郎自清貴更有文譽生光輝

身體員長如龜手足

印匣金龜四十一手足不全生屈曲亦出正郎并典郡此星皆

自文星出

皆是文星中變換出來也

四十二鬼名金瓶亦是文星變化生文章名譽出人有大富大貴多英名

凡自文星中出者皆其日文章聲譽也

四三鬼星名天蓋形如卻後傘遮向外名登金榜上雲衢位主八座蔭後代

天蓋如傘形亦主富貴

四四天馬王絲鞭左右生來體象金狀元文章聲蓋世名譽清高上九天入爲輔弼出藩鎮朱紫滿門孫子傳

王鞭是文星中變出故主文章貴

四五鬼星名釘鞍虎山背後轉處安第一重山主後代出得武

臣作高官

在白虎第二則主第二代兄

四六鬼星名掛袍後代兒孫名位高穴後龍來退一節不在其身  
在兒曹

穴後退一節爲第二代子息見貴也

四七鬼星名牙床土星孕秀主富強貴宦入朝更高壽舞女歌  
姬擁滿堂

牙床如床方而內平外三方高凸此主富貴多姬妾之象

四八鬼星名旗鼓燕尾分來生兩處建旌植鼓似後軍五馬車  
藩資鎮撫更主英烈大將軍萬里封侯號飛虎

旗鼓在後如大將及藩郡有後軍之象也

四九鬼星名辦錢錢與主山相接連錢外更有遮護處太富貴

州有庄田進納爲官自榮貴子孫滿堂行地仙

言富而樂也

五十鬼星名橫擔更有櫃形如小檻商族販賣自辛勤從此起家財泛濫前人苦力子孫享三世依然準前範

此等地形龍氣必賒融結形穴必無秀氣故其起家辛苦能發迹而根基淺薄暴富泛長子孫不學不知保守二耳傳間當復消落依前人模樣作販賣也

五一鬼星名堆貯小小土堆分兩路賭錢食酒不歸家大秤稱錢分作注

夫妻鬼乃二山相對此乃土石堆相背故只似賭錢作注出不肖子賭錢飲酒也

五二鬼星名開門透漏直氣洞裏昏僕妾擅開後門去招引姦

賊盜財奔家翁有錢因訟散官司常出信兒孫婦女開門納他漢財物偷消招語言

主後山有小山中有大石洞中空而暗此主奴僕夜開後門納盜賊財物奔走又主家長因訟在外信付兒孫在家不肯婦女招引外人從後門而入家財消耗不掩外議之形狀  
五三鬼星名漏腮泉水流逆從後來出人漏腮并血瀉婦人血崩并漏胎

主山之後有泉水常流主出此等病證

五四鬼星名孟鉢鞋袋隨身不曾脫此主僧道出雲遊南山北山共生活

鞋袋似病尸而短小故不謂尸孟鉢有山如復孟形是也此只主出僧道雲遊南山北山言諸山寺觀托跡也

五五鬼星名幡帶恰似楊  
旛飛旛旛主爲僧道入空門常迎  
旛赴齋會

幡帶如幡或三脚或雙脚揚飛之狀

五六鬼星名鈴杵主出寺僧振聲舉入朝面聖賜師號能詩能  
文動真主

鬼帶秀風故雖爲僧亦能文而貴但鬼星丫叉反覆故不爲  
本家之顯只出家人上清高貴顯鈴杵僧物也

五七鬼星名獨節疊疊重重如行戟大藩大鎮帶節行使將出  
臨振英烈

獨節有大藩建節之象

五八鬼星名鳳尾恰似鳳凰始飛起文章俊秀有聲名侍從清  
朝聽步履



言如鳳尾雙出旗談主出入座侍從之貴也

五九鬼星名雉尾恰似暈飛尾節比亦如鳳尾有文章侍從傳家出科第

其秀氣與鳳尾相埒

六十鬼星名聯靴雙雙兩兩義如何出得貴人能蔭子代代有人自登科

單靴不如雙靴之貴

六一鬼星名靴刀監司總領名位高有權有勢人畏服子孫朱紫聲價豪

鬼形如靴如刀主出權貴之狀

六二鬼星名義鎗如义如鎗分兩行武臣統兵出征執大將旗

受敵降

義鎗主武臣振揮也

六三鬼星名金鎗秀曜全體爭分張

石曜全體並出更有鬼星應之

更有鬼星翠清秀侍從非朝有文章

金鎗金石此帶秀氣者與義鎗之體不同

六四鬼星名拖鎗拖鎗後面分兩行先出公人受賊配後出子弟濟爺娘更出賊徒偏打劫滅絕家門多殺傷

拖鎗龍賤穴窟只出劫殺之賊

六五鬼星名飛鎗前鎗向後凶非常出人自下弑逆上來龍雖貴不可當

飛鎗以在白虎青龍之外及鎗向來龍來龍為尊前穴為卑故云下弑上有此凶殺龍穴雖吉故云雖貴亦不可當此凶也

五六鬼星名反鎗本與飛鎗同一體飛鎗本身即有鎗反鎗牽連方作鬼是以凶星力量輕屋內之人相殺死

反鎗與飛鎗本無二體但飛鎗是就身即生及向後龍故全下弑上反鎗生小尖爲絲線然後爲鎗但不合反鎗向內故主屋內相殺自反

六七拖刀星更凶雙如燕尾長不同出入屠宰起凶醜更出賊徒多困窮

鬼星如燕尾但燕尾之分爲二者短而拖鎗者長大所以不同也六八名爲刺刀鬼主後刺向前者是後山推出山如猪直向刀尖與相抵出人屠宰好行凶內反自戕無道理

正峰之後有拖刀形而後龍別生一山推出如猪羊之狀與刀尖相抵當出人屠宰仍主家中內反相殺

六九鬼星名疊刀父子兄弟逞英豪交相矛盾至戕賊復

章言若還尖刀順前去此是秀曜名譽高不可一例作論  
者只怕顛倒逆順遭

石山之外三重四重中心連串皆如刀形顛倒排疊者至父子兄弟交相矛盾在右則多因小位是非生起此禍在左皆由長位甚至交相屠戮不和順也若是刀尖皆順疊向外則爲秀曜又係最吉蓋只分顛倒逆順之異所以吉凶各不同也七十鬼星名帶枷股長股短拖更斜常有官司在囚禁帶枷不脫長吁嗟

主山之後鬼山斜拖半長半短如帶枷形

七一名爲帶劍鬼秀氣所成綫線繫若還龍虎亦生尖此是文章出科第他時斬砍得自由或帶旌鉞臨邊地若還龍虎不尖秀更是前山無秀氣只出武臣爲將帥自立勳名擅生死

蓋全身有秀曜則主文貴若只有此一劍而他無相應則只

上武貴然亦是大將地位擅生殺之權者也

七二鬼星名劍駿高科升為相國位劍駿上殿讚不名竹帛勲名垂後世

左劍右履此星極貴主出內相功名垂竹帛後世也

七三鬼星名唐幞貴極人臣住金屋功名退居綠野榮汾陽晉公齊福祿

形如幞頭而無方角脚如員帶者唐幞頭也此主退居享榮福之象當如郭汾陽裴晉陽公名位既盛而休閒也

七四鬼星名幞頭分明高低兩脚修科名榮貴家更富他時受功立封侯七五鬼星名王犀長如盤帶頭尾齊大富大貴高科第封侯賜第滿門輝

此等星形皆主大富貴也王犀為上幞頭次之

七七鬼星名誥軸此是火旦年穿土宿富貴雙全作重臣子子孫  
孫食天祿

此是土星所生兩頭尖起是火星也火生貴土生富故雙全  
七七鬼星名員璧員淨端然平面石絲線短小近相連位至三  
公鎮家國科名定主在甲科文章聲價稱名德

員璧是石爲文星秀氣主甲科大名位至三公重臣

七八鬼星名琵琶與璧相似柄不嘉柄長且大是此器柄小而  
短作壁誇琵琶若過形穴正更有秀曜相攔遮先出貴人升朝  
位後代子孫好齊華却有貧孫作樂吏辭向樽前作琵琶若還  
龍穴更下賤只作樂工業傳家

琵琶柄長而大員璧只是絲線帶過形自分別若龍穴出來  
秀則先貴其家既富貴喜奢華然龍穴未有無偏枯處必

有一位子孫以奢華而敗家乃爲樂吏若不敗亦出掌樂之官若龍穴不住則只主出樂工子孫家傳習此爲庭下祗人也

七九鬼星布袋形形似琵琶柄加大恰如布袋拖耳長手藝經商出群輩

布袋之形似琵琶而非只布袋一龍繞也

八十鬼星名順風恰似象牙大小同七箇八箇如一樣順風排頭俱相從秀氣一偏隨一向向左應須左位隆向右定須右得地蓋緣秀氣隨所鍾此等星辰皆大貴科名文章立敷庸

形如象牙曲歸一方如風吹柳條順倒一邊此亦是秀氣有偏歸左則左旺歸右則右旺文章富貴不待言而可知也

八一鬼星名奪秀恰似象牙作三溜中直兩曲皆向中石尖順

見如鳥喙出人俊秀更清高文章科名享福壽

中直兩曲皆有石尖秀氣所鍾宜其富貴

八二鬼星名舞袖抱向後龍多秀茂此星大富積萬金後代兒孫皆俊秀

此星先富後貴

八三鬼星名玉笋恰似牛角倒相引此星出貴多清貧不合秀尖反自隱

牛角尖向外則佳角尖連主山故清貧

八四鬼星名雙笋笋尖向外左右引兄弟科名本自同更是同朝班玉笋

笋尖向外清貴可知加以雙見主兄弟科名同朝班

八五鬼星名牙吹本與玉笋無二儀正綠尖頭別有嘴恰似吹



角口相隨男女巫覡作生活神靈道行家自肥

王筭是尖向主峯牙吹亦然但王筭之尖直從主山上起牙吹角尖主山外別有小山堆阜如人口突起而角尖低故曰牙吹也爲巫覡而神靈有應其道旣行而家肥

八六鬼星名毬杖杖與毬星兩相向生出將軍立武功雅歌從容作名將

毬杖者杖有毬應將軍打毬之狀

八七名爲內進鬼手推秀峰特特起恰似進女入宮闈因此全家皆大貴

主山後有山如手而手之內有秀峰如美女而又有秀峰如殿閣殿閣之外又有山圍圍繞如宮掖之象故當進女得貴八八鬼星名推送屋內是非多倥偬陪錢送得新婦歸更

司梅實弄

一山長拖如手屈曲而一峯在外乃推出新婦送遠之狀若手短則不是爲送婦矣以長而繞故爲送婦

八九鬼星名偷送送處手短如戲弄一手一推手不空偷得家財別家資滿條冷退漸漸貧箇箇外心他人共

手短不如推送之長而手前之山卑小不可作人止可作財物之狀故只爲偷物送與他人之狀家中冷退家中之人心不在內反其他人爲一心也

九十鬼星名離隊一帶長拖似推背出人離鄉失井居生得嬰兒心向外

有山在後長拖飛走而山之中又有丫杖之山向外此離鄉山也

九一鬼星名更別屈手伸脚形象拙恰似病風方瘳癡一屈一伸吐痛切出人風靡更跛躄此狀看詳子細說

屈手伸脚如風靡之狀故主風疾以類取證也

九二鬼星名鑽懷恰似婦女心性乖入懷求淫生外慾一投一接相倚偎出人內外共宣淫婦人後房有外心男兒前向接外婦內外交亂不可禁

一山鑽懷一山接受內外交淫之狀最為不吉也

九三名為探懷鬼此等星殺最不美常被脫白取懷中身上失物無尋理

後龍山與主山相逢如脫白之人探取物也

九四鬼星名獻掌山后如手求物樣出人乞丐事可知况是龍  
星穴拙相

獻掌如人仰手有指頭分明最爲不吉之鬼六乙巧求物於人之象

九五鬼星回抱名娶得一妻有外情主在女家有人共常欲歸家心不寧末稍無兒終抱養只抱妻家異姓名

回抱向後主所娶之婦在女家之時有外情歸夫家常念之要歸見此人而又主無子息他日又抱養女家子孫爲子息九六名爲抱養鬼兩手推山在後尾多出寡婦抱他兒更有外夫在家裏

後山有兩山如手抱得一山在內也

九七鬼星名抱頭雙手抱頭常似愁出人頭風奔腦痛手如抱養手更勾

抱頭與抱兒相似但手如勾曲而頭有頸頂兒山無頸頂

九八鬼星名啗頭頭在主外如贅疣別有一手如屈轉開口啗頭相近勾出人虎傷口下死或被蛇咬聲啾啾

主山之後有山如肉瘤又別生一山長而勾屈開口啗此一山如蛇傷虎咬之狀此爲啗頭殺

九九鬼星名探羅恰似乞兒探乞羅家財盡盡生乞丐携取羅兒處處過

一百鬼星名散髮恰似散髮飄飄撒貧窮不利多憂愁常病在床多散髮

百一名爲抹髮鬼窮困無聊家不理疾病常常見呻吟逢人長是抹髮起

百二名爲拄杖鬼木星誤變出醜地出人脚疾拄杖行更加曲脚不能起貧兒乞丐持杖出男女不能作奴婢

百三鬼名是推胸形狀醜異主貧窮打推乞兒奔逃氣急  
貧多行凶

百四鬼星名腫屍常有病人床不離更主蠱脹黃腫死莫作土  
星君請知

百五名爲伏屍鬼倒則爲屍豎爲鬼兩般兼有最要詳伏屍精  
怪迷人死

百六名爲孝順鬼背面生來總相似要看龍穴識真形莫把面  
山爲背地只看護托在何方便識真龍定何位出人富貴又康  
寧家道協和燕富壽

百七鬼星名空亡穴後仰瓦勢相當家道衰頹貧見骨縱得小  
財只爲商

百八鬼星名獻花兩脚開張屈更斜新婦女兒競淫亂留外

人藏在家

百九名爲串花鬼如線穿花朵朵細文章且貴自有名色慾索心不知止

百十鬼星名遊蜂如蜂飛走隨西東出人遊蕩多不肯出入居處無定蹤

百十一鬼名拋沙兩手拏沙沙細斜家財多散不肯聚仍主鬼祟入人家

百十二鬼名流沙沙出主後仍細斜乍富乍貧才不聚半成半敗事如麻

百十三鬼名偃月半月之形端正說高強文筆勝常人富貴富朝賜旌鉞

百十四鬼名流星如星流去帶尾行主人文章有聲譽富貴清

李諱英聲

百十五鬼名蚩尤一星拖燄橫轉流此是大星凶殺至出人反叛主斬頭

百十六鬼名白芒一星無燄拖尾長尾形破碎不尖小龍脚更如髮飛揚出人稱兵惟作亂殺人害物還自戕

條帶袈裟百十七清氣不自文章出惟有高僧得文名故在空門不在室

百十八鬼名冠幘小山如冠長如幘男子居家只富財女兒嫁出承封位

百十九鬼名繩頭小小絞裂條復條顛風飲酒是效驗更會屠殺宰猪羊

一百二十陰鬼星歷代諸賢傳此名成集一家為此類吉凶禍




福甚分明

卷三

七

# 三台鬼



金不利木土無所不利三  
台多屬余土所變此等鬼  
星多是金星最不利木龍

第一鬼星名三台生出紫微巧樣裁或如鼎足品字立三  
條絲線長短開生出三公輔明此鬼力量生英才魁名  
代代多先占門裁九棘并三槐  
右三台鬼星文章科高位至三公

發揮曰鬼雖是奪透木身之氣然一氣之注有一應

之力故三台分三脉起三峯力量最重主文章高科  
位至三公若龍貴沙秀又主三魁之應或謂三鬼正  
排當乳後則龍無正入脉此復何害穴有倒住橫入  
但須龍脉貴秀行度處皆是中心出脉不是偏斜臨  
穴必有奇巧閃斷藏蹤換跡去處大地多是如此故  
俗眼不識常棄八地况有三台之鬼雖脉橫穴拙不  
足恠也門人所註指爲金星指爲金土此不須如此  
預定又如土無所以不利之說亦皆有病恐誤後人不  
可不察後龍四曜皆論生克惟鬼星  
不論五星生克詳見後註

土星多吉與衆星亦多比和發揮謂門人所註有病  
者不應言無所不利若改爲土星多利則善矣假如  
火雖生土而土亦克火水雖潤土而土亦溺水土生

木而壓木者亦土也土生金而埋金者亦土也但星若無大凶耳故土為財星而又謂之福星也此說亦未見是論鬼星不當如此

# 品字三台

此名順品字最吉亦須看鬼星與本身生尅如何



此名為倒品字次於順者




第二鬼星名品字三堆為阜作一萃三堆一線生出來分得正身一條氣力量頗同三台星不到三公只相位科名自是不卑微文譽聲名當日起子孫憑藉為富貴代有文星出高第

右品字三台鬼星脉一星三高科拜相

發揮曰一脉而主三阜則脉微而所牽者多故力量輕於三脉三脉者可至三公而一脉者止於相位圖註有逆順之分生尅之別恐其不然順與逆皆為品字宜無輕重之異其至於生尅惟鬼星不論此不過為本身之贅疣作定穴之應樂而已又與官曜及來龍正脉不全故不論生尅然融結作地亦自胎合造化若龍神不肯融結或是奴賤空亡假偽之龍則所出

之鬼必是醜形惡狀凶刀切刀豈獨生尅而已哉王  
案寶傳云鬼有應藥無生尅有吉凶無順逆其說甚  
當

# 泰階六符鬼星



泰階六符兩兩相比  
天文三台正如此形  
三星昂立乃三公星  
也此正真三台格


第三鬼星名六符此與泰階星不殊三條氣脉生六阜太

平輔弼鼎鼐居力量又在三台上六世兒孫襲封餘  
石泰階六符鬼星太乙宰相重望師臣

發揮曰三台六星居太微垣軒轅星之上泰階平則  
治道昌此正三台也前三格乃三公星世俗呼爲三  
台不復華耳然取應亦與三台不甚相遠然不如六  
符力量重三昧而生六密其重可知故經云力量又  
在三台上六世兒孫襲封餘此三台是指第一格而  
言也六世者六星之所應可以理曉

# 正一文星鬼

上竈斜穴息在乳上截不住故曰氣不來也



然亦非是慢處落

第四鬼星號文星一字橫飛方又平氣脉如柄中間過恰如斗槃同一形文章蓋世主貴子貴子文聲馳俊英科名出塵人不及侍從論思內相清

右正一文星鬼秀子貴孫侍從內相發揮曰此格門弟子所註皆當并穴法論也文星長



# 夫妻鬼

而方正而平主出文章秀士貴至侍從內相言子孫而後貴又非正脉後龍退卸不從此去直待穴中取回此氣蔭注尸體而後見效先生秀子而後出貴孫也文星專主文章科第鬼星取氣其力量止於侍從內相然此特指鬼星應驗而言若他有好星辰又不拘執一說也




龍脉中出平地過

第五鬼星名夫妻女兩峯相向面相隨出人貴顯仕宦順妻受封象服宜

右夫妻鬼星仕宦如意封爵及妻

發揮曰夫妻取二峯停勻相向如夫妻相對無所不順然既取義以夫妻則龍從中出必是斷為平地而後兩峯無所間斷乃得相對如夫妻也不然則龍脊隆高離隔不見不得名為夫妻矣故經云出人貴顯仕宦順者以二峯相向如夫妻也夫妻皆受封者各以氣類取應也

飛符鬼



第六名為飛符鬼摺疊如符書天字出人秉國操大權少  
君取重君為起  
右飛符鬼秉國大柄身佩安危

發揮曰飛符者如天書符象之玄屈摺而又於後起  
開張兩翼自為纏護故力量重而得氣貴經云出人秉  
國操大權少君取重君為起劉注云如伊尹周公恐許  
予太過伊周之事處大臣之變不得已而放君攝位以  
聖人為之則可非聖人則篡也故此事歷萬世不可

之玄鬼

見漢唐以來霍光郭子儀是霍光雖不保其後然其  
昭立宣之事亦有大功於國子儀則真所謂佩安危也  
然亦須有好星辰應照方有秉國大柄之應也

格玄之



格玄之地天羅包



格龍天飛



第七名爲之玄鬼外有抱抱如墻垣富貴雙全皆食祿一州一縣官俱全

右之玄鬼星有如墻垣包羅萃聚雙全富貴緋紫無數無經無護之玄相顧力量少減亦富亦貴

發揮曰之玄者言其屈曲摺疊如之玄字第一格卽經斷所謂如有垣墻是也四獸與鬼悉包羅在內故曰包羅萃聚如此則富貴雙全而朱紫滿門如經中所謂一州一縣官俱全者大小俱備不全爲穹顯官蓋周圍包裹如州邑城郭官府居然靡所不備也二之力量減於一三之力量減於二觀其圖可見輕重之分也




第八鬼星名輔弼兩箇端圓輔笏出甲乙科名如摘髭左右  
宰臣真可必

右輔弼鬼星甲乙高科左右冢輔

發揮曰輔弼者如今人言左輔右弼中心有鬼如簡如  
笏而又有一峯阜居其左右故曰輔弼蓋居中者鬼也  
居左右者又鬼之輔弼也夫是以出人貴秀科第則居  
甲乙之等輔佐則處左右之類以鬼有輔弼而貴氣重  
也或謂子微不取九星之義况一百二十鬼星皆集前

扛屍鬼

人已名之鬼因其名而紀之非有更焉者也子微或從而增益之不過因名以推其理耳何九星之辨者耶




第九鬼星名扛屍恰似輔弼須要知輔弼笏山中直出橫開二岡如聯絲屍山中橫仍膀腫兩頭橫帶兩岡兒一似兩人扛屍去常出病人外面歸或是死屍千里至扛屍鬼主依附誰

右扛屍鬼生枉死客亡屍從外至

發揮曰山有橫直之分應有吉凶之異蓋山之直如貴人秉執圭笏而居其左右者輔弼也貴而有輔其其斯為貴人矣山之橫者如人屍僵仆腫脹而在其尾首者扛屍也死而着人其斯為凶矣故其應也主枉死主客亡或腫病僵仆皆從外扛掣以歸非病於家而死於寢者也凶莫大焉相地者所宜謹審

笨葬鬼

一名破頭鬼






第十名為筊筊鬼出得巫師香火起若有秀官并秀曜亦  
出主祠并祝士

右筊筊鬼星廡人師巫仕宦祠廟

發揮曰頂拆而尖者為筊筊頂拆而平者為丫頭皆  
主香火之應筊筊統言為師巫丫頭主出女子為巫  
或云破頭者王出人頭風氣疾欲諸家鬼論不見此  
說惟筊筊丫頭則見於漢唐文字間此亦各以意取  
類應耳已葬蹤跡未自有此要之山頂破折總而言  
之曰不吉可也以鬼山而破碎如此不待識者而知  
其無所取矣

守倉鬼




十一名爲守倉鬼特特一峰斷後起富貴雙全力量深  
莫把此峰當容易

右守倉鬼星力量崇重貴雙全

發揮曰山如倉形故曰守倉得氣厚而力量重故  
主富貴雙全凡此等特起之峰綿脉帶過所以富  
貴若山腰連合不斷不絕則不得以爲倉矣此又當  
檢點龍氣在應若他有所取則貴顯無疑若他無

秀氣則富而已矣但此鬼斷無不吉處非貴即富也

# 金櫃鬼




十二鬼星名金櫃主後方岡原平地富足中間貴亦生亦有兒孫永金紫

右金櫃鬼星山方而長頂正而平既富貴子孫公卿發揮曰方長而低者為櫃方長而高者為庫四面皆方而低者為印為馬堂此多是土生培木入

獼猴鬼


穴故必富必貴然此等形鬼非為火生土入土穴  
則為土生木入木穴土穴主富木穴主貴更看後  
龍前沙之證而後可定富貴故經云富足中間  
貴亦生亦有兒孫衣金紫如亦生亦有等字皆  
有輕重意義宜詳味其旨



十三鬼星名櫃庫五箇峰巒排定做或方或圓相間起  
方者爲櫃圓爲庫登科名位固不卑仕宦應須歷五府  
諸州寄產蓄積多家業千金敵國富  
右櫃庫鬼星名位穹顯敵國之富

發揮曰頂平而高圓爲庫頂平而方長爲櫃櫃庫  
相間貴氣存乎其間故貴則穹貴富則大富力量  
厚重也或云此皆土星富則然也何以貴存乎其  
間蓋五星環列此非融結好地必不虛生鬼其龍氣  
勢朝應皆有貴秀處又有此等力量之鬼烏得而  
不富貴

# 倉庫鬼




十四鬼星名倉庫三山向背橫直布太平世界多幹運千  
倉萬箱爲大富他時仕宦兒孫出利重名輕作錢虜  
右倉庫鬼星利重名輕子孫亦貴

發揮曰一脉透出連爲三山縱橫布列劉註云鬼山  
與三台同而山之向背不順趨向不一故止可作利

重名輕之地此說得之亦是大小高下不停勻如概  
車五星相間雖大小高下不同却擺布疎密得所高  
者對高低者對低故貴存其間而富亦難及與此格  
全不同况可比之三台之停勻者耶月禪師云鬼不  
在多鬼不論少排立得所地位緊要或三或五專一  
猶妙如其參差相背斜側可以論富貴則無力相  
背而逆或倒或側有禍無福當與別識觀此說亦  
欲疎密停勻高下齊整而後爲美也縱橫反背破  
碎斜側飛走則爲不吉

三重垂魚鬼



三重垂魚第十五  
三衛三經作龍虎虎山背後盡垂魚  
三代朝郎接步武

右三重垂魚鬼朝郎之位一重一世子孫升朝踵踵相繼  
發揮曰垂魚鬼山者如魚袋之狀止於朝郎者鬼  
小而在旁非右則力輕故也一重主一代故曰接  
踵相繼也



魚帶鬼



十六鬼星名魚帶將相公侯同一代子孫榮顯奉家所  
文武全材世無賽

右魚帶鬼星將相公侯奉于一門父子兄弟光顯榮宗  
發揮曰劉註謂指護衛之山回環榮帶而言非獨

一鬼可以取象其說未盡此是鬼還我氣之類  
脉從旁入穴分裂生鬼就為護衛故力量大而重  
宜其公侯宰相萃于一代一門也

賜帶鬼一名積帶




十七凡星名賜帶重重纏護交相會將相公侯代代生

子子孫孫自亨泰

右賜帶鬼星護身皆帶公侯世代福祿豐盈百事亨泰  
發揮曰所賜之帶積於左右之義故以命名蓋龍  
從旁入生出山纏護皆低平之岡形如還帶故謂之  
積帶此等雖是奪我正身之氣龍先抽衍纏護而  
後結穴非從龍脉正來故亦謂之鬼凡分我之氣  
者皆鬼也不結之峰平坦而入故謂之鬼

象魚鬼 圓而直者爲魚方而直者爲簡




十八鬼星石魚象金魚象簡分兩樣又有小峰即主峰  
三公地位兼將相

右魚象鬼星金魚象簡小峰中據三公宰相輔忠致主  
發揮曰其力量之重在於三鬼排立中倚主峰正

穴有據金魚象簡分出左右雖龍脉自青龍而入  
小巧倒掛然穴奇脉真鬼星靠實力量不同矣加  
以後臂包盡鬼星如城壘之周匝又與鬼星暴露  
者不同也

### 單魚象



十九名爲單魚象來龍直入穿心樣不似橫龍別透

位至三公同力量

右單魚象鬼金黃象簡夾持兩腋正脉傳穴三公之職  
發揮曰鬼在外重而力量如此者蓋入穴處龍節  
不開照綿相合猶本身之氣也謂之單者別無中  
尖之鬼以別前格之名也以單而言力量與前同  
者龍脉從中而入足以當之矣故不減於前格之  
貴也

金印鬼



二十鬼星名金印印在右腰帶來順此星大貴及兒孫  
更以文章名譽振

右金印鬼文章科第祿及子孫

發揮曰此格若以穿心論之入穴一臂似若偏出  
蓋此乃護身之鬼非臂也鬼環我氣裹印在內又  
如一帶彎纏印在帶中其格甚貴故主出人以文  
章科第顯而綿遠之効祿及子孫玉帶金印本文  
星之所變也若龍氣朝對皆有吉星相應則穹顯  
之地也月孛師云鬼如環帶官進無退又曰右方  
帶印官位昇進印在左方子孫其昌印在右則當  
代見效印在左則子孫始貴然亦須參左右前後  
而觀之恐他處星辰不應專責效於一印亦未可

接財鬼



廿一鬼星名接財手山內見財外來出人開庫及商運  
大富榮華廣栽培

右接財鬼星行商坐賈厚貲大富

發揮曰龍臂上帶倉庫而主峰後有鬼如手故曰  
接財此鬼若柄長而大亦主足疾柄小而短則爲



玉几鬼

手此乃丫叉處得股短爲佳若無外來財山而又長大則拐山耳反爲不吉故不可不辨此等星辰無清貴之氣故只主開庫行賈而日華星爲利者也富厚而已玉峰寶傳云拐山如拄手如取是也拐者無足之人所住持者也



廿二鬼星名玉几主峰之後以警環起出人清秀更尊嚴


富足爲官更大貴

右玉几鬼星文音譽望富貴雙全


發揮曰凡此多是平岡乃眠行之木而玉几亦爲  
文星故主文章而有聲名譽望去爲世宗仰旣富而  
且貴經云出人清秀更尊嚴富足爲官更大貴劉  
註云玉几如帶彎環而高月禪師云玉几王枕長  
短之異富貴地位却有輕重耳而其形之別則有  
大小長短之異凡長而枕短几小而枕大富貴地  
位由此而分輕重也

王枕鬼


偏王枕



單王枕



重王枕



廿三鬼星名王枕家富垣墻張綉錦東麾五馬臨見  
畫戟清香凝宴寢

右王枕鬼星家富千金官至五馬龍偏穴正靠枕而下  
主峰端然氣脉已卸取富取貴必圓機者

發揮曰前二格是龍偏而穴正後二格是龍正而  
穴偏然以龍言之則穴若偏歸左右以形言之則  
穴正而龍偏也俗眼必見龍脉正而主峰又高枕  
龍而下十八九矣識者則以枕鬼爲正舍龍而就  
鬼所謂急來慢下是也非圓機之士則執泥不通  
此所以言取富取貴必圓機者因教人識穴法也  
世之論穴多喜靠龍脉而印主峰不復更究氣脉  
所聚經斷云主峰端然氣脉已卸言以上峰而觀

屏枕鬼

之則非不端然特立似若無疑殊不知氣脉已卸在別處蓋鬼既泄牽旺氣而成形則穴之氣脉斷當隨鬼而定矣如第三格乃是凹穴法回環凡起三峰而作穴處乃無峰巒此豈世俗之所識別耶造物巧藏機倖有待而後發露也




廿四鬼星名屏枕一似屏唯方且整枕定後峰力量重  
將相大臣執國柄

右屏枕鬼星爲國大臣出將入相

發揮曰屏枕者言其枕於屏也經云一似屏惟方  
且整既曰屏而又謂之枕者雖方整而低故曰屏  
枕此鬼如屏如枕倚蔽在後力量加重故主爲國  
大臣秉國重權出爲大將入則爲宰相也經中既  
言方且整今世所傳圖乃作花刻不端之狀如此  
則何能出貴重之臣耶此須是方正如屏特低平  
如枕然亦不全低若全低則謂之方枕可也何以  
謂之屏枕也

屏帳鬼




廿五鬼星名屏帳串出主山如帳樣別駕升朝假守臣  
若得帳長爲使相

右屏帳鬼星小而假守大而使相

發揮曰屏帳者今人以彩帛爲屏如墨愚圍繞  
是也不惟卑小而又隔一節之外鬼氣抽牽正氣  
長遠而力量小縱穴中收得元來氣脉亦無力故

如意鬼

矮小而爲儼守長濶而爲使相而已應前朝後世  
別有貴峰則又參究論之矣予嘗經行江西見有  
此形穴間之鄉宿云張氏祖葬已百五十年其家  
出太守通判不絕後因子孫附葬其後仕宦不振



廿六鬼星名如意主後三花勾向裏男爲俊秀婦美巧  
在內在外皆富貴自從葬後即出人大凡有事皆如意



右如意鬼星男女秀麗內外尊貴平生快樂每事如意  
發揮曰月禪師云一名華蓋鬼王峰寶傳云華蓋  
三台鬼蓋倒地蓋星也其尖如火其距如木非豎  
立之山乃側臥之山形若如意故以名之月禪師  
與王峰所言以臥蓋星臥三台言之也此星雖臥  
却與蓋星及三台合是以男秀女麗以富以貴而  
享有安樂每事輒如意也若山形豎立則不謂之  
如意當以蓋星三台命其名也

# 旌旗鬼



木氣盛旺發泄如此

廿七鬼星名旌旗高峯磊磊尖峯崇出人通府典大節  
節鉞英風驚遠戎

右旌旗鬼星入居五府山鎮大藩賜受鉞威重外番  
發揮曰鬼星擁起高峰而高峰之面磊落小峰如  
旌旗然此力量厚大故主官至五府典大藩專方  
面而威伸繼陌也此等星辰皆木氣盛旺發泄贅  
疣一峰未足復生小峰磊磊落落稠疊如旌旗之  
節故其力量厚大所應如此之高顯也

天梯鬼



木氣盛旺發泄如

廿八鬼星名天梯小大鱗次相高低世代登科名陸續  
代代朝堂立根基

右天梯鬼星世繼科第廟堂公卿

發揮曰旌旆者緣起而小峰生於大峰之間其氣  
不分故名位赫奕天梯者生出小峰然後起高峰  
一峰高一峰如上天之初然其氣差散故言廟堂  
公卿者官皆主至廟堂或爲公或爲卿大小俱有  
而不齊見茲述於旌旆而子孫科第陸續不絕則  
又綿遠於旌旆也此皆木氣盛旺穴中受氣不盡  
復形爲此等星辰也故王文章科第之應


石臺鬼



廿九鬼星名樓臺火星主峰堆復堆尖尖秀秀火焰起  
此是瓊臺寶殿開出人高科狀元顯官居鳳閣弄鸞臺  
右樓臺鬼星狀元高第鳳閣鸞臺女為妃后尚主多財  
發揮曰經云火星生峰堆復堆者蓋火傳祿旺發泄  
為鬼猶夫秀叢發則其力量可知故主出人高第  
狀元輔公宰執男尚帝主女為妃后富貴無敵瓊臺  
寶殿木為獨貴之星今此星有此則富貴祿氣之

擗兵鬼

發旺不可當故所應之效亦如是之顯煥掀車轉也



三十鬼星名擗兵小山十數環如城元戎將軍堅麾節  
夷狄震懾聞威聲

右擗兵鬼星兵爲營衛元戎威名聲振夷狄勳垂汗青  
發揮曰擗兵者如擗聚兵製環遠營衛故主爲元  
戎大將氣旺而發泄者多力量綿厚故主聲名勳  
業此等星辰蓋罕見矣此金星之旺氣所發也

種龍鬼

結而成者也故主以武貴而不主以文顯



小者爲蛇


三一鬼星名盤龍小則爲蛇大則龍先富後貴自綿遠下  
孫延葛傳無窮

右盤龍鬼星大龍小蛇先富後貴

發揮曰龍蛇之別惟以大小蛇小而尾尖者是龍貴  
蛇賤皆主富而子孫綿遠劉註云小者爲蛇大者爲  
龍大小之別固是又當以峰頭叅之白雲先生云鬼  
有龍蛇之異人有貴賤之殊以此觀之龍則主貴蛇

則主賤也

墜珠鬼



三二鬼星如墜珠落從鬼後秀之餘文章巧藝相並出婦  
女慕組多名譽登科仕宦圖機士朝官步武升雲衢  
右墜珠鬼星男文女巧仕宦升朝

發揮曰珠本文星所變然金星亦有變珠者此當以  
本身來歷攷之若木星所變則文也男主文章女主

工巧科名陸續仕宦升朝金星則不過以武階顯而  
已皆能文而巧謀畧機變利於主兵

### 大穿珠鬼



三三鬼星大穿珠文章振譽飽讀書世世秉麾官五馬蔭  
及親姻多紫朱

右大穿珠星橫串聯珠文章太守蔭及兒孫奕世富貴  
發揮曰此乃文星之所變也金星無之故主文章振  
譽官至太守子孫仕宦不絕之象或云珠圓而高者  
爲木扁而平者爲金然金星前後無聯珠者必木星



而後有之或眠亦生此蓋星辰之分所變自然不

同也

小穿珠鬼



三四鬼名小穿珠直穿向後二三隨官雖不大有聲價子孫接續如龍變

右小穿珠鬼星賢俊文章升朝接續若子若孫大小名目發揮曰經云官雖不大有聲價子孫接續如龍變蓋此亦文星所變故主文章聲價仕宦不絕子孫之官或大或小名目雖不同然皆有命在身門無白丁也



三五名爲貫珠鬼如貫小珠三四文章清貴名譽多享  
宙傳芳列科第官小名尊多子孫子孫箇箇登朝位

右貫珠鬼星文章科第官小名尊子孫陸續登金門

發揮曰此亦文星之所變主世世文章科名聲譽款  
揭官縱小而名亦尊彼以其富我以吾仁彼以其爵  
我以吾義人主師之天下仰之其以道德自高者也

經云文章清貴譽名多宇宙傳芳列科第官小名尊  
多子孫子孫箇箇登朝位其意義可見矣

蛾眉穿珠鬼



蛾眉穿珠三十六景景大小橫直起或在後龍或虎旁十  
字相穿為極貴先出妃后門戶光國戚封侯子孫繼

右蛾眉穿珠鬼星女爲后妃國戚封侯子孫爰科名獨修  
發揮曰此亦文星而女先貴者以蛾眉山多蛾眉文  
星特見則專主文章科名多則先見效於女子大抵  
星辰以特見爲奇也然而子孫終以文顯則自是星  
辰清秀磨滅而不去也

### 飛錢鬼



三七鬼星名飛錢恰似貫珠絲不穿此珠不貴最下賤出  
人賭博賣庄田

右飛錢鬼星不貴而賤賭博致貧

發揮曰其爲珠不一而富賤不同何者不合有鬼如  
手珠無穿脉但以如手賭擲之狀此所以反主貧賤  
也珠高而圓錢低而下珠有脉線錢無脉線又當先  
辨珠與錢之狀若高圓如珠而有手則不爲穿珠手  
藝之人或爲猜圖夜賣或爲弄瓦乞丐當以別星辰  
參之乃見端的

蛾眉牙梳鬼



蛾眉牙梳三十八女生美貌多慧黠入宮進御作妃嬪光  
照家門官自發  
右蛾眉牙梳鬼星慧女進御光生門戶亦有科第俊勝祖  
父

發揮曰劉註云此等星辰皆主女先貴若獨見蛾眉  
亦不可如此論不合更有牙梳山所以主女貴而科

第終有則蛾眉文星之應也依前是星辰不專特故  
效亦駁雜第先出妃嬪而後出科第亦是大吉地以  
先見女貴而不見男貴故駁雜耳

天關地軸



天關地軸三十九此鬼雙全今極少左右分張護送來主  
後生出分飛走富貴兩散盡如意卿監臺卽承眷厚

右天關地軸鬼星富貴雙全天眷彌厚

發揮曰天關地軸真龍行度多帶此等星辰但鬼星分張左右二者兼全極爲罕見宜其主富貴雙全獨承天眷也此亦是六山文星又當主科名高顯聲譽飛騰若在龍節上見之卽不爲鬼然亦主文名清貴蓋文星之應如此

### 金龜鬼



四十鬼星名金龜頭足爬沙向後飛亦主朝郎自清貴更有文譽生光輝



右金龜鬼星文章聲譽清貴朝郎

發揮曰金龜文星之所變也故主文譽清貴

印匣金龜鬼




印匣金龜四十一子足不全生屈曲亦主正郎并典郡此  
星皆自中出

右印匣金龜鬼星文章清貴五馬郎位

發揮曰此亦文星之所變故其應同

金餅鬼




四十二鬼名金餅亦是文星變化生文章名譽出人有天  
富大貴多英名

右金餅鬼星文章聲譽大貴大富

發揮曰此亦文星之所變也力量重於前格故應驗  
亦顯於前格

天蓋鬼




四三鬼星名天蓋形如覆傘遮向外名登金榜上雲衢位至八座蔭後代

右天蓋鬼星高第文名八座陸續

發揮曰此眠地木星也亦爲文星之屬蓋亦眠蓋也故主文章顯名高第登科官至八座子孫陸續相繼若爲之堅蓋則力量又進於是矣


天馬玉鞭鬼



四四天馬玉絲鞭左右生來體象全狀元文章聲蓋世名  
譽清高上九天人爲台輔出藩鎮朱紫滿門子孫傳

右天馬玉鞭鬼星文章聲譽狀元及第朱紫滿門台輔地位  
發揮曰此星兼文武馬金星也主武鞭木星也主文  
此當出人狀元及第出將入相文業武功流芳史冊  
子孫嗣續莫不貴顯之格也但必是木星龍以文爲  
主而武輔之耳

卸鞍鬼




四五鬼星名卸鞍虎山背後轉處安第二重山主後代出  
得武臣作高官

右卸鞍鬼星金旺生鬼武臣在嗣

發揮曰術家大率以一重龍虎爲一世此鬼在第二  
重則在第二代故曰在嗣鞍金星之所生也故曰金  
旺生鬼金爲武星故曰武臣然此須觀龍脉及入家

五星震如何固有火中出鎔液之金有木星中生  
 土之金者此又不可以武斷也若本身是金則出武  
 戰無疑木根之土亦皆生金故曰根土之金此說是  
 玉峯寶傳

掛袍泥




四六鬼星名掛袍後代子孫名位高穴後龍來退一節不  
 在其身在兒曹

右掛袍鬼星龍身帶鬼兒孫官顯

發揮曰龍脉閃斷而生鬼入穴者亦謂之鬼或云袍山多是金星非也袍山皆水星也主秀在此第二脉節故云子孫方貴必文職也術家有金袍之說故人見其山頂圓平多以金星目之殊不知高者為掛袍卑者為懸袍旣曰袍山必有摺浪鰓紋花脚之類則水星曉然矣惟負淨低負者乃可謂之金星也

牙床鬼



四七鬼星名牙床鬼星孛秀主富強貴官入朝更

女歌姬滿畫堂  
右牙床鬼星富貴雙全珠翠滿目

發揮曰此生木之土也木博土穴故能富貴雙全事  
有榮祿備聲色之樂此不合是土星入穴故無清顯  
之名而淫於富貴者也雖君子之所不爲然土氣所  
發自然如此耳

旗鼓鬼






四八鬼星名旗鼓燕尾分來主兩處建旗植鼓似後軍五馬重藩資鎮撫更生英烈大將軍萬里封侯號飛虎

右旗鼓鬼星文典大藩武為大將萬里封侯節鉞使相

發揮曰經斷分文武而言者蓋龍脉氣各不同若木星行龍則以文顯而典大藩也若金星行龍則以武顯而為大將也故以文武別之旗鼓在鬼如後軍之狀故主大藩大將以義類取之矣旗山之形本不一此特以山脚分派如旗或尖山豎立者亦謂之旗或脚蹠飛揚者亦謂之旗出於火星則如此出於木星則不然須以分脚象類取之

辦錢鬼



四九鬼星名辦錢錢與主山相接連錢外更有遮護處大  
富州州有庄田進納爲官自榮貴子孫滿堂行地仙  
右辦錢鬼星富貴多產因才得官

發揮曰如此等鬼星多是土星所變或出於水一交  
會而成主享福安榮所謂因才得官者非庸常進紆  
之官乃卜式以貴爲郎之類是也今之進納何足算

哉經云進納爲官自榮貴子孫滿堂行地仙言其富而樂也世俗之爲大言者富不足道貴而顯斯可矣殊不知五福一曰壽二曰富三曰康寧四曰攸好德五曰考終命而貴不預焉使富足而子孫知德禮尚文學謹守法度則自有良貴天爵固無歉於貴也行地仙之比豈輕許予耶

# 橫檐鬼


方爲印長爲龍椅



五十鬼星名橫檐更有櫃形如小檻商旅販賣自辛勤從此起家財泛濫前人苦力子孫亨三世依然準前範  
右橫檐鬼星橫檐帶櫃商販辛勤

發揮曰經云五十鬼星名橫檐更有櫃形如小檻商旅販賣自辛勤從此起家財泛濫言櫃如櫃檻也圖註云長爲簣方爲印此印簣之別如此經云前人苦力子孫亨三世依然準前範蓋其初以商販而起家子孫以暴富妄費而退敗既貧之後復爲販賣之事如前人之所爲也

堆貯鬼




五一鬼星名堆貯小小土堆分兩路賭錢食酒不歸家大  
秤稱錢分作注

右堆貯鬼星堆貯爲注越逐求賭若有吉星以博致富貴  
爲金石或爲全土亦是半吉游手之主土石相雜沙堆兩  
路草木不生蛇虺不住縱能致富復敗於賭

發揮曰此斷言辭委曲其意反復詳盡于微因以示

戒也言縱前朝後脉別有吉星能因賭而致富子孫  
必復以賭敗言賭之不可恃也所謂若以此始必以  
此終今也以賭而貧敗者十出十喪以之致富貴者  
百無一二間或有之子孫目擊耳聞遂謂前人因此  
起家華而效之終以此敗故曰復敗於賭所謂遊手  
之主如今之開櫃坊兌坊之徒是也

開門鬼




五三鬼星名開門透漏真氣洞裏昏僕妾擅開後門去引招姦賊盜財奔家翁有錢因訟散官司常出信兒孫婦女開門納他漢財物偷消招語言

右開門鬼星僥開後門竊財潛奔妻妾姦淫私路紛紜

發揮曰鬼山開闢發泄本身真氣本主衰敗不振後鬼而有洞如人開後門之狀僕隸剽竊妻妾招淫皆由此途故以取象言之大凡山空處無秀氣真脉外貌雖若可觀而遷葬其間不產英賢也石山之秀拔地林立莫如廣石然每山必空中開岩洞有人物龍蛇屏床輪藏之狀奇恠精玄可備觀玩望之如碧簪挿天翠蓋摩雲而罕出人才吾固不敢厚誣廣石豈非山空處無秀氣真脉流爲石乳凝爲奇觀秀氣能

漏腮鬼

於此矣故山以石爲美亦以石爲惡以石爲秀亦以石爲拙大抵尖矐爲貴空洞爲賤不可取其外貌之秀麗遂以爲吉王峯寶傳云石山雖貴不產英異洞山雖美不生秀士此說誠是



五三鬼星名漏腮泉水流迸從後來出人漏腮并血瀉婦人血崩并漏胎



右漏腮鬼星血瀉血崩漏腮鼠癭財散不聚如鬼竊行  
發揮曰水泉流迸此龍漏泄氣脉凡遇此等不問左  
右前後皆不可透葬主崩帶痔血及鼠癭等疾又主  
財散不知所在如鬼竊以行莫見去迹也

鉢盂鞋袋鬼



五四鬼星名鉢盂鞋袋鬼此鬼不會脫此主僧道去雲遊南  
山北山共生活

右鉢盂鬼星僧道雲遊到處寓活

發揮曰山圓而頂平又小而特大不爲鼓小不爲鉢  
此鉢盂山也山小而中凹頭高頭低人不爲馬小不  
爲鞍此鞋袋山也主出僧道而又不佳寺觀四方雲  
遊寓處無定之象僧道亦有貴者此則無貴氣矣蓋  
裹鞋帶鉢皆遊行之所攜持故也

### 旛帶鬼



五五鬼星名旛帶恰似幢旛飛旛旛主爲僧道入空門常迎旛幢赴齋會

右旛帶鬼星旛脚飛揚空門僧道

發揮曰此旛象取之近旛幢者惟僧道耳故主出空門中人若鬼山雙脆勾齊徑直則釵形也雙釵鬼主出娼女單釵鬼主出貴女此見白雲著論中却未審雙單釵何以分貴賤也雙單釵分貴賤之說未見所據然山以特出獨見者爲貴並出爭見者爲賤雙釵雙鬟之象也如鬚鬚居後娼女侍妾之類應之單釵特尊之象也專一而居後獨龍專房之貴應之雙釵單貴其義或本於此耳他難臆說

鈴杵鬼



五六鬼星名鈴杵主出高僧振聲譽入朝面聖賜師號能詩能文動真主

右鈴杵鬼星高僧振譽文章面聖

發揮曰鈴杵木星也故主文章鈴杵僧器也故爲高

獨節鬼

僧鈴聲響物也故能振聲譽未帶貴氣故主面聖賜  
號若他有貴秀之星亦當有秀士升朝不止乎高僧  
而已特仕宦之門有高僧出家馳名譽耳




五七鬼星名獨節。臺臺重重如行截大鎮大藩帶節行。相出臨振英烈。

右獨節鬼星大藩使相聲價英烈。

發押曰獨節乃監司出入響節也故有此鬼者主與大藩鎮爲使相而又有英烈之聲也獨節木星也亦主以文聲振若他有貴星應之則主重臣出鎮或是賜節之屬更在觀龍脉星辰如何耳。

鳳尾鬼



五入星名鳳尾恰似鳳凰始飛起文章俊秀有聲名傳  
從清朝聽步履

右鳳尾星文章俊秀清朝詩執

發揮曰此文星所變也木旺生鳳尾主出人俊秀如  
治世之鳳人所瞻望清要侍從地位若更有貴星助  
之過府執政鉉基故曰清朝執侍若脚出尖曜則火  
曜也貴氣尤重當至台輔矣

雉尾星



五九鬼星名雉尾恰似翬飛尾櫛比亦如鳳尾出文章侍  
從傳家出科第

右雉尾鬼星文章科第侍從過府

發揮曰鳳尾雉尾皆文星也皆主科第文名然正經  
不言過府而經斷則言侍從過府者何也蓋以木星  
言之則侍從入座而已以龍沙有貴星照應言之則  
如此星辰皆可過府故又從而推擴之

聯靴鬼





六十鬼星名聯靴雙雙兩兩義如何出得貴人能蔭子代  
代有人自登科

右聯靴鬼星出貴蔭子仕宦接續龍沙俱秀科名相屬  
發揮曰靴非仕宦無之雙靴聯比蔭子不絕之象也  
然官之崇卑則非靴之所可定出身科第亦非靴之  
所可必蓋仕宦不問文武顯微皆用靴故如此鬼星  
更須看他後龍前沙有貴星則顯無貴星則小官而  
已有秀星則科第無秀星則恩科而已或止於承蔭  
此經斷所以有龍沙俱秀之說

靴刀鬼




六一鬼星名靴刀監司總領名位高有權有勢人畏服于  
孫朱紫聲僧豪

右靴刀鬼星朱紫豪強權勢尊貴

發揮曰此水星之所變而金生焉故主權貴豪強雖  
朱紫耀輝亦無大官貴也經云六一鬼星名靴刀監

司總領名位高有權有勢人畏服子孫朱紫聲價豪  
其權出於監司其豪出於族盛人所畏服出於前汝  
之相承襲也此等必是龍氣綿厚力量重厚而後有  
此鉞星非一鬼星所能致也謂水星者以山勢之麗  
動謂金星者以刀形之所就也

# 又鉞鬼



此等鬼星非厚龍重  
脉亦不能發達此形也

六二鬼星名人鉞如又如鉞分兩行武臣統兵出征戰太

將將軍受敵降

右義鎗鬼星武臣大將專征方面

發揮曰二格義鎗皆石曜也故貴然形為義鎗故主  
武臣此等多是金星出曜遇火而成器者也金武星  
也縱有文秀之星中照亦有文戰應之如宰相領節  
度大臣專征伐則文中之武也如皆金星為主則必  
出武臣

金鎗星



六三鬼星名金鎗秀曜全體爭分張更有鬼星萃清秀侍  
從升朝有文章

右金鎗鬼星秀曜形見文章清顯

發揮曰據所苗木下生金而出金曜水主文而金生  
秀曜故以文章清顯繼之經文云更有鬼星萃清秀  
侍從升朝有文章但此苗必有地形故畧苗數節若  
論行度龍脉穿變化則所苗不全不可論矣然觀  
鬼曜甚長如無龍身所生一臂都包亦恐穴小而鬼  
氣重不得為金矣若此穴力量全在包纏乃是一格  
子微苗亦其槩耳

松鑪鬼



無志奉為賊鑪刺擊

六四鬼星名拖鎗拖鎗后面分兩行先出公人受賊配後  
出子弟悻爹娘更出賊徒偏打却滅絕家門多殺傷  
右拖鎗鬼星公吏決醜凶賊滅門子弟悻逆不明天倫

發揮曰此穴本主空亡穴既無主而又無乳玄武虧  
矣雖有鎗曜無所歸宿真為鬼賊之孖不可例指為  
秀曜龍虎無情巧不為玉几清不為玦珮龍大惡齷

縱有朝應不過爲書吏之吏傭書之吏而能文者公  
吏之貴乃坐空亡之穴出賊刃之鬼亦主出刺配不  
得令終及其久也孕育凶熾習性悖逆不可訓誨絕  
戒門戶應此空亡若龍秀有情龍雖旁入自有主峯  
兩曜雙出爲秀爲貴又不如此論也

### 飛鎗鬼



六五鬼星名飛鎗前鎗向後凶非常出人自下逆殺上來

龍雖貴不可當

右飛鎗鬼星自下截上悖逆巨星

反鎗鬼



六六星名反鎗鬼本與飛鎗同一體飛鎗本身即有鎗之  
鎗牽連方作鬼是以凶星力量甚巨屋內之人相殺死  
右反鎗鬼星悖逆凶惡骨肉相殘



務揮口反鎗與飛鎗無以異也而輕重不同何哉經  
云飛鎗本身即有鎗反鎗牽連方作鬼是以凶星力  
量輕屋內之人相殺死然所謂輕者非欲逆而已其  
爲凶逆也不過引出絲線別作小峯而成反脚之鎗  
其禍少稍緩而已以常情觀之必喜其包纏不復察  
其包內之鎗統而名之曰鬼鮮不誤謬

# 拖刀鬼



六七拖刀鬼更凶變如燕尾長不同出人屠宰起凶惡要  
出賊從多困窮

右拖刀鬼星屠宰業凶因窮為賊

發擇曰鬼如燕尾一如拽刀一如拽尾故主為屠宰  
如此形穴必主困窮又有凶鬼故至為賊


刺刀鬼



六八名爲刺刀鬼主后刺向前者是後山推出山如猪直  
向刀尖與相抵出人屠宰好行凶內反自戕無道理  
右刺刀鬼星屠宰行凶內反自戕

發揮曰經云其說已明自戕者殺人而又自殺是也  
凡生刀面向內而後者皆凶惡不吉

疊刀鬼




六九鬼星名疊刀父子兄弟逞英豪交相矛盾至戕賊殺  
倒死屍埋草蒿若還刀尖順前去此是秀曜名譽高不可  
一例作凶看只怕顛倒逆順遭

右疊刀鬼星顛錯亂舉家矛盾戕賊殺人家滅身亡

發揮曰疊刀之鬼真形有二若疊而順者爲秀曜乃  
主富貴此刀形乃顛倒錯亂故主父子兄弟自相矛  
盾凶惡殺人自受誅戮甚至滅門身膏草野最爲不  
吉

帶枷鬼



七十鬼星名帶枷股長股短拖更斜常有官司在囚禁帶

不脫長吁嗟

帶枷鬼星官司口舌不出家門帶枷入獄憂悶昏昏  
發揮曰此言長短股如枷形或連或不連皆是也主  
官災常有囚禁憂悶昏昏者不得明白之義也

帶劍鬼



七一名爲帶劍鬼秀氣所成絲線繫若還龍虎亦生尖此  
是文章出科第他時斬研得自由或帶旌鉞臨邊地若還

龍穴不尖秀更是前山無秀氣只出武臣爲將帥自立勲名擅生死

右帶劍鬼星秀氣出曜文章科第旌節方面權擅生死

發揮曰凡此皆石曜雖以文章科第致身他時專征方面擅生殺之權出將入相之兆也若上山則力差輕蓋右龍虎之腰則是鬼與曜之間除非石曜乃秀而貴力量亦重土曜雖貴恐不穹顯耳於此分輕重

劍履鬼



七十二鬼星名劍履高科升為相國位劍履上殿讚不名位  
帛勲名重後世

右劍履鬼星台輔貴重元勲策衡劍履上殿讚謁不名

發揮曰漢高祖時開國元勲惟蕭何賜劍履上殿贊  
拜不名有此鬼星者當有此應也自秦有群臣不得  
持寸兵上殿之令故臣非賜帶劍不敢帶佩也古者  
升殿解履而登故履亦云賜賜帶劍履尊寵之極也  
此星多是龍上金氣重雖變傳為水亦出此曜若出  
於木星木旺則土秀不融結石曜矣月禪師云老木  
盤錯而石生焉俗眠盼之認為火傳老木者自祖龍  
以至入穴者皆木星也中間雖有水潤土培造化不  
缺而木益旺故老而盤根錯節生焉融結石曜而盤



錯之義也而世俗之見石曜皆認爲火則非矣觀此  
語則木亦有石曜非必土曜而後謂之木特木老則  
有石木嫩則有土矣因以月禪師之說推廣發揮之  
術者試思之也

唐幞鬼




七三鬼星名唐幞貴極人臣住金屋功成退居銀野榮分  
陽晉公齊祿福

右唐僕鬼星貴極人臣明哲保身

發揮曰經文所云鬼星名唐僕貴極人臣住金屋功  
成退居綠野榮汾陽晉公齊福祿觀此四句其意已  
盡明哲保身非汾陽晉公其誰當之但木帶金鬼到  
富貴極處宜謹即自保非明哲見幾者不能也子微  
取此四字以為經斷意味甚深非獨享富貴而已事  
者不可忽畧看過

僕頭鬼



七四星名幞頭分明高低兩脚修科名榮貴家更富他  
時立功受封侯

右幞頭四星科第富貴功至封侯

發揮曰今以形論之此鬼勝於唐幞脉正而端方峯  
員阜皆合貴格雖云功至封侯而勲名則不及於唐  
幞何耶蓋唐幞特生之鬼也此乃正龍到此閃斷再  
起峯入穴就以爲鬼故力弱於特生者入穴見此誠  
爲難得故以鬼星論之鬼星有三其一是正龍入穴  
之后穴中餘氣特生泄而爲鬼其二是正龍入穴就  
於龍脉上發出爲鬼其三是正龍將傳入穴及閃斷  
其脉平地之外出穴而穴后帶斷龍再傳特起處爲  
鬼此則以閃斷之特起者爲鬼星是也故力輕於唐

幙幙是貴人帶權此星是方峯下出小阜如屏下生  
 小貴人却是穴借鬼氣不是鬼出穴氣穴借鬼氣者  
 鬼送入穴而已鬼出穴氣者是旺氣之所發泄者復  
 收得所泄旺氣爲我川也正龍則只是本然之氣外  
 鬼則又增益本然之氣所以不同

# 玉犀鬼



七五鬼星名玉犀長如盤帶頭尾齊大富大貴高科第封

侯賜帶蒲門輝

右王屏鬼星高第封侯蒲門富貴

發揮曰此金木相成之鬼也木穴爲主左金右木則  
金爲斷木之金木爲成器之木也木主文章科第金  
主權豪武位文武兼全大富大貴之格

誥軸鬼



七六鬼星名誥軸此是火星穿土宿富貴雙金作重臣子子

孫孫食天祿

右諸輔鬼星吉生臣勳家子孫承蔭滿門朱紫姬妾衣錦

發揮曰經云此是火星穿土宿蓋方峯橫嶂土宿也  
兩角脉結火星也所以既富且貴土生重厚故為勳  
家重臣護氣綿遠故生子孫亦貴姬妾衣錦積貴積  
富之應也所謂祿不期驕富不期侈世祿之家鮮克  
由禮是也然服美于人驕淫矜誇却非保富貴之道  
也


圓壁鬼



七亡鬼星名圓壁圓爭端然平面石絲線短小近相連位  
主三公鎮家國科名定主在科甲文章聲價稱名德  
右圓壁鬼星文鳴甲科三公宰輔

發揮曰按此經凡例以員堆平面而中起一小員堆  
者為壁經云員爭端然平面石蓋謂平面上又起平  
面石堆也此鬼主文章科第位至公輔為國柱石之  
應也圓壁火星之變也故主文章科第文星卷中言  
金土中高土仍厚彼謂金土中高者非謂平面形如  
覆釜凸面是也不如壁形面平而中間小阜之面亦  
平

琵琶鬼



七八鬼星名琵琶與壁相似柄不嘉柄長且大是此器柄  
小而短作壁誇琵琶若遇形容空更有秀曜相欄遮先出貴  
人升朝位後代子孫好奢華却有貧孫作樂吏解向樽前  
撥琵琶若還龍穴更下賤只竹樂工業傳家  
右琵琶鬼星減否相半力在龍沙朝應俱善貴人之家他  
無所長樂伎浮誇



發揮曰琵琶與員壁相似而非員壁過脉短而小止如絲線琵琶柄長而大如琵琶形此其別也經所謂琵琶若遇形穴正更有秀曜相欄遮先出貴人升朝位後代子孫好奢華却有貧孫作樂吏解向樽前撥琵琶若還龍穴更下賤只出樂工業傳家經斷所謂減否相半力在龍沙此全在燕看後龍前沙如何朝應皆吉子孫之貧者猶不免為樂吏若朝應形穴皆虧則主出樂工無疑矣

布袋鬼



七九鬼星名布袋形似琵琶柄加大恰似布袋拖且長  
藝經商出群輩

右布袋鬼星經商手藝家業溫飽

發揮曰此又似琵琶而非布袋之形如拖拽布袋偏  
斜醜惡貴不員辟吝者不為琵琶故止主經商販賣手  
作伎藝可致溫飽而已若如此形而端正則為之胡  
盧琴之類也監視之法亦當如琵琶鬼星富貴下賤  
又當燕龍沙辨之

順風鬼




八十鬼星名順風恰似象牙大小同七箇八箇似一樣順風排頓俱相從秀氣一偏隨一向向右應須左位隆向左定須右得地蓋緣秀氣隨所鍾此等星辰皆大貴科名文章立勳庸

右順風鬼星既秀且貴象齒拳拳富顯不均隨向而偏

發揮曰木之秀也形如象牙順風排列此主文章高科大富大貴然公位不能無偏向左則左位勝向右則右位勝其偏也無他特貴顯不及矣非全然不富不貴蓋如此鬼星自是力量但強弱優劣之不同也以理推之中左皆得力特右位稍偏然亦有氣出於右則不至全不得力特不及中左之盛耳向右亦然

奎秀鬼



八一鬼星名奎秀恰似象鼻三溜中直兩山皆向中石尖  
顯見如鳥喙出人俊秀更清高文章科名享福壽  
右奎秀鬼星文章科名榮貴福壽

發揮曰此火星之秀也狀如石笋石尖鋒穎火明而  
文在中其祿則貴也故主文章科名榮顯福壽

# 舞袖鬼



八二鬼星名舞袖抱向後龍多秀茂此星大富出萬金后代兒孫皆俊秀

右舞袖鬼星大富萬金孫支乃秀富在其先貴在其後

發揮曰此是土星入穴發為木星而萌芽屈曲故秀氣不敵其土然土之旺火之生也后龍必有火以生土故傳至孫支退及火星亦生俊秀之子秀則必貴故富在其先而貴在其後也若木星傳穴則又不待遠年矣今主土星力鼎如何

王筭鬼




八三鬼星名王筭恰似牛角曲相引此星出貴多清貧不  
合秀尖反自隱

右王筭鬼星尖隱不見貴而清貧

發揮曰此鬼本秀所惜尖處顛倒蓋尖親反連主峯  
而其末乃大而負齊故貴而清貧以秀處隱故也秀  
處反隱故貴處反貧

# 雙筭鬼



八四鬼星名雙筭筭尖向外左右引兄弟科名本自同更是同朝班王筭

右雙筭鬼星兄弟競秀同科同朝

發揮曰如此尖筭向外即為之氣發見况雙秀競出故主兄弟競秀既同科又同朝也大抵地形不開鬼與曜皆以尖秀為上右筭木佳蓋非秀氣有力量事

能成石尖故也

牙吹鬼



八五鬼星名牙吹本與玉笋無二儀正緣尖頭別有嘴恰似吹角口相隨男女巫覡作生活神靈道行家自肥


右牙吹鬼星男女巫覡依神以生祀神則靈施術則行

發揮曰此鬼類於玉笋但不合笋尖隱處復有山脚生出如人以口啣角故名之曰牙吹此主男女巫覡然此鬼亦有力焉故祠神則靈施術則行而家亦因



術以肥而其人則賤矣大抵山形不過以類相取其形如此則其氣之所感召亦然縱有吉星壓過子孫終有此等應驗

### 毬杖鬼




八六鬼星名毬杖杖與毬星兩相向主出將軍立武功雅歌從容作名將

右毬杖鬼星貴為將軍賤則浮浪

發揮曰經斷既言貴為將軍又云賤則浮浪何也蓋

此等鬼星力量可轉移更在看龍沙如何若龍沙  
 星相應則主出武官貴為將軍或其他皆貴矣之星  
 主出文章科第之人中間亦出此等人應之若龍沙  
 無吉星相應龍賤元醜則當出浮浪之人好繫毬走  
 馬而已此所以有主貴賤之別也經中不言賤者主毬  
 杖之應而言耳

內進鬼



八七星名內進鬼手推秀峯特起恰似進女入宮闈因  
此全家皆太貴

右內進鬼星進女承恩全家大貴

發揮曰鬼如手腕推送之狀而夫秀小峯特起其中  
外有玉樓寶殿殿上貴人應之故主以美女進內承  
恩膺寵而舉家皆因之以太貴然亦須照應龍沙若  
他有貴秀星辰則不專以女取富貴必有文章決科  
功名有致但女承天渥亦必有驗經斷則專主鬼星  
而言耳

推送鬼

亦主女子婦人隨逐難御



入鬼星名推送屋內是非多恹恹陪錢送得新婦歸更  
被官司相賣弄

右推送鬼星新婦遣歸女隨夫走

發揮曰一鬼山長拖順水以出吊脫一峯頓出草坪

浪蕩無收此遣送新婦之象圖註云亦出子女婦人  
隨出離鄉此說亦然昔於二水道傍見一地頗與此  
相類問其老宿則曰今其家出鄉不知尚有子孫否  
問其故則曰其家本富因娶一新婦強悍與子不協  
隨遣送之因此被婦家與訟誣牽元嫁資財以至貧  
困後移徙出鄉不知所在只有一女嫁於秀才復亦  
不振隨夫過湖北作小數不復歸此墳經年無主今  
併圖之

偷送鬼



入九鬼星名偷送送處手短如戲弄一手一推手不空偷  
得家財別家貢蕭條冷退漸漸貧箇箇外心他人共

右偷送鬼星偷送家財妻妾滲漏門戶蕭條不昌厥后

發揮曰經云一手一推手不空偷得家財別家貢蕭  
條冷退漸漸貧箇箇外心他人共蓋山如以手送物  
出外主妻妾屬外人不肯爲本家興家立業反以物

與人去而致家貧甲窮條而妻妾之心蓋不同也  
離墜也




九十鬼星名離墜帶長拖似樵背出人離鄉失井居生  
得嬰兒心向外  
右離墜鬼星離鄉不振子不紹家

發揮曰凡龍山脚帶員峯者正謂之倉庫此則似是

而非下水無遮護收拾處亦庫主耗散不收至於  
水登山浪蕩直出斷而特立一峯此真離群失陸之  
山也故主出人離鄉而離鄉之後有子又不紹家他  
時又復遷徙世世無定跡也凡順水出者皆謂之離  
鄉此獨名之曰離隊者以順水山外特出一峯如人  
離隊而去也

伸脚鬼






九一鬼星名更別屈手伸脚形象拙恰似病風方癱瘓一  
屈一伸叫痛切出入風癱更跛躄此狀看詳子細說  
右伸脚鬼星風疾癱瘓終身跛躄

發揮曰此木不曲直如屈伸手脚之狀故主癱瘓跛  
躄然設有此形亦主婦女淫濫玉峯寶笈云木不曲  
直則曲爲風直爲跛或左右開張爲掀裙露體之山  
主風疾淫醜木得性則爲帶爲几爲蓋鞭爲玉鞭主  
文章清秀富貴顯達此曲直美惡之分也觀玉峯此  
說則可以類推矣

鑄懷鬼



九二鬼星名鑄懷恰似婦人心性乖入懷求淫生外慾一  
投一接相筒限出人內外共宣淫婦人後房有外心男兒  
前面接外婦內外交亂不可禁  
右鑄懷鬼星男女宣淫鑄懷入袖

探懷鬼

發揮曰龍雜而亂五星不傳男女不辨昏奴顛倒此  
假龍偽穴識者見之昏者惑焉龍脉既無精神無覽  
焉可也子微存此圖格正欲示鑑而曉世人也




九三名爲探懷鬼此等星殺最不美常被脫白取懷中身  
上失物無尋理

右探懷鬼星家道陰消道行喪失

發揮曰木星之竭而生為贅疣之龍其形如掌而無指成者也其形最醜其應甚凶不足顧也木星為金所戕者多成此等形狀

# 獻掌鬼




九四鬼星名獻掌山后如手求物樣出人乞丐事可知凡是龍粗穴拙相

右獻掌鬼星仰掌醜形貧道乞丐

發揮曰金戕木瘦家貧不振或爲緣化之道或爲求  
乞之輩是其應也凡此多因五星雜亂龍無造化則  
爲不美之形貧退之穴蓋氣脉不正力量不重本欲  
融結好穴而不成者如花木之生造物之性孰不欲  
爲奇花茂木或逢地狹薄或爲人所戕爲蟲所蠶雖  
欲奇茂不可得矣故其爲花爲木皆失其本然之形  
而爲拳枯傭醜之狀也

面抱鬼



九五鬼星名曰抱娶得一妻有外情主在女家有人共當  
欲歸家不安寧未稍無兒終抱養只抱妻家異姓名  
右曰抱鬼星婦戀母家有夫在外抱養異姓以爲繼代  
發揮曰此金木雜亂也故感召人家男女亦相混濁  
皆無造化之龍出此形穴

### 抱兒鬼



九六名爲抱兒鬼兩手抱山在后尾多出寡婦抱他兒更  
有外夫在家裡

右抱兒鬼星少婦寡君抱養他男戀財不嫁惟外之私  
發揮曰此形既有抱兒之狀又有抱淫之形故經以  
二事言之也

抱頭山



九七鬼星名抱頭雙手抱頭常似愁出人頭風并腦痛手  
似抱養手更勾

右抱頭鬼星抱頭憂愁風疾腦痛

發揮曰抱兒與抱頭二鬼相似抱兒之鬼兩手抱一

于山脫離特起故曰抱兒抱頭之鬼兩手抱頭有頭連主峯之后如頭頸然故曰抱頭二格皆土星之不善變而醜者也家富而心有不足或寡或病皆主婦人應之

野頭鬼





皆見一本其形如此要之既言野頭合如此蓋乃是上格恐訛



九八鬼星名啣頭頭在主外如疣贅別有一手如屈轉開口啣頭相近勾出人虎傷口下死或被蛇咬聲啾啾右啣頭鬼星虎傷蛇咬應在后人

發揮曰圖註云木瘦而病又云木之蠹此當云木病而蠹可也頭如木生蠹虫爲木之害其氣感召故能使后代子孫爲蛇虎之害也

孫羅鬼



九九鬼星名探羅恰似乞兒探乞羅家財退盡生乞丐堪  
取羅兒處處過

右探羅鬼星家財冷退子孫乞丐

發揮曰凡此形穴皆非真龍融結山水自不交會所  
謂鬼者乃乖氣之所流注豈得謂之鬼星哉此形與  
啣頭山相似特頭有頸羅無頸頭圓而羅稍方長而  
角渾耳

散髮鬼

石文水洪



金之盤氣

金之朽秀

一百鬼星名散髮恰似散髮飄飄撒貧窮不利多憂愁常在病床多撒髮

右散髮鬼星貧窮多愁婦病在床

發揮曰鬼之病多應婦人以在后故也

抹髮鬼



木炭而生貧病

石又如貧魚而漸低下

百一名為抹髮鬼窮困無聊家不理疾病常常見呻吟蓬

人長髮起

右抹髮鬼是窮困無聊終日卧病

發揮曰抹髮與撒髮相類此特外添一山如手抹髮耳經云疾病常常見呻吟逢人長是抹髮起若以常情論之鬼外一山環護宜富而反謂之貧何也蓋石紋水洪處已是敗壞之氣雖有此臂無益也鬼山有護托蓋別處從龍上生來者今只龍虎身及轉是奪我氣者也又有所謂鬼還我氣者以渾然之鬼回轉護穴或與龍虎齊或至平身皆從后而護前今乃自前而護鬼又所護不過爲敗壞之鬼此其不同也


拄杖鬼



如手持杖  
出人曲脚

百二名爲拄杖鬼木星誤變作醜地出人脚疾拄杖行更  
加曲脚不能起貧兒乞丐持杖出男女不能作奴婢  
右拄杖鬼星木傷於金曲脚拄杖  
發揮曰經斷八字無餘蘊矣

推胸鬼



百三鬼星是推胸形狀醜異主窮貧打推乞兒并滯氣更  
無不肖多行凶

右推胸鬼星貧而拊膺吁嗟作息丐自推胸憂患孔棘  
發揮曰此皆金木之非蓋但觀其形亦旣云醜固不  
必問其風水興否此二格皆是不傷於金使然也

腫屍鬼



主之病

百四鬼星名腫屍常有病人床不離更主蠱腫黃脹死莫作吉星君始知

右腫屍鬼星家康而飽人病而蠱

發揮曰山脉從土星故家康而溫飽土敗主病故人多黃腫蠱脹凡腫屍之山不問前沙后龍皆主此等疾病應之玉峯寶傳云尸之與棺皆土之敗也其應皆主凶龍沙帶此者皆不宜取用其凶之應如響斯答况鬼乃木星之氣發泄其疾病應之

# 伏屍鬼



百五名爲伏屍鬼倒則爲屍緊爲鬼兩般更有最要詳伏屍精怪迷人死

右伏屍鬼星人死爲恠家道不興

發揮曰世言伏屍者謂人旣死復能化形如生人出見迷惑濁亂此鬼星主此等鬼崇令人家道不興旺也伏屍之能爲恠者皆婦女也爲陰之類其魄不散



隨魄出沒借男子之陽氣以養其體則復可以活此鬼星能感召人家出此鬼怪非謂能使墓中人成此鬼也人家既出此怪異則家道是自衰替可想而知矣旺在屍鬼而不在生人故也

### 孝順鬼




百六名爲孝順鬼其面生來總相似若看龍穴識真形莫

把面山爲背地只看護托向何方便識真龍定何位出入  
富貴自康寧家道協和兼富壽

右孝順鬼星出人富貴家道協和富壽康寧

發揮曰兩面相似皆可作穴然畢竟一真一僞此須  
辨認取一而廢一也經云只看護托向何方便識真  
龍定何位此言護托山向前去是穴包纏處是背也  
然遷此形穴須盡得前後背面之地爲一家之物而  
後可用蓋正穴在前雖已遷葬若背後非我之有萬  
一爲他人所鑿則不惟發泄抽牽敗壞風水又反能  
爲我興禍故地未全得不可遷葬恐後非徒無益矣

空亡鬼



百七鬼星名空亡穴後仰无勢相當家道衰頹貧見骨縱  
得小財只爲商

右空亡鬼星家道貧退出人少亡

發揮曰空亡之形勢如仰无蓋謂主峰後如无凹入穴  
背此所以爲空亡若遷此地元有家業亦自衰退因無  
望其興隆也出人少亡者地脉既不融結此爲空亡之  
穴亡靈厝此亦自不安此所以生人亦不長壽此必然

之理也。或曰：世有凹穴，法若龍沙，皆吉。遇此形穴，不可葬。不答曰：不可。凡葬凹穴者，皆以背後有鬼枕藉，倚靠。加以前沙相照，穿心如箭向的，固可安穴。此乃空亡之鬼，當穴反凹而虛，不當處反有撐柱，豈可立穴耶？

### 獻花鬼



百八鬼星名獻花，兩脚開張，磊更斜。新婦女人常淫亂，常留外人存在家。

右獻花鬼星婦淫女亂濁敗其家

發揮曰此金星之憊也蕩於水而有此形動生淫理勢便然也

串花鬼



百九名爲串花鬼如線穿花朵朵細文章且貴自有名色  
慾心不知止

右串花鬼星富貴生淫男慾女濫

發揮曰木之華也本文星之類主出人秀異以文章



顯然富貴之中非端雅之士貪色嗜慾而不知耻者  
也亦主出美女能文然亦偷濫之徒或云後世主出  
名妓其理或然情慾生於富貴之餘貧賤出於嗜慾  
之縱此乘除倚伏之理固應於此方其富貴惟慾是  
恣敗壞人倫汚染人之兒女者不暇卹也子孫習見  
效前人之所爲而不知革一旦驟貧造物施報出乎  
爾者反乎爾者也以至男爲奴女爲妾者有之流而  
爲娼妓特反掌耳凡富貴利達者其當謹諸余觀諸  
家之論又有散花之名然其論應驗大率類此不過  
有絲線者爲串花無絲線者爲散花耳其義本同故  
予不敢不復錄仍有遊蜂圖格即散花之類因及此以  
識遺缺

遊蜂鬼

百十鬼名是遊蜂似蜂飛走隨西東出人遊蕩多不肯出入居處無定蹤


右遊蜂鬼星遊蕩不肯盤遊敗家

發揮曰金木同華氣脉雜亂主出人遊蕩居無定所賭博淫慾喪身敗家生女亦然



皆石形

撒沙鬼



金土  
之敗

百十一鬼名拋沙兩手擎沙沙細斜家財多散不肯聚仍  
主鬼祟入人家


右拋沙鬼星財物耗散鬼祟入家

發揮曰山脈發泄而不融結散而成沙則氣竭脉枯  
矣故財物自然耗散不聚如沙之狀所謂有鬼祟者  
以傍有兩手如鬼祟拋揚沙石之象故也上脉不結  
而化為沙是氣脉全然不注不獨鬼星為然凡地見



此者皆不堪取用故論龍卷中育龍下灰亦此之類  
此所謂燥如蝸羅雜塵是也

### 流沙鬼



百十二鬼名流沙沙出主後仍細斜乍富乍貧財不聚半  
成半敗事如麻

右流沙鬼星乍富乍貧半成半敗

發揮曰以愚題既之乍富與半成未葬之前可言也既  
遷此地豈能富且半成乎有貧與敗而已

偃月鬼



百十三鬼名偃月半月之形端正說高強文筆勝常人富貴當執賜旌鉞

右偃月鬼星文章科第鈞軸旌鉞

發揮曰偃月文星也如新月之形或如初弦之月出  
人文章科第以致身入則秉樞軸而坐廟堂出則賜  
旌鉞而專征伐蓋月爲文星而帶金體月又主刑故  
亦主掌兵權專方面也然當合龍沙以參之方可斷  
定大富大貴愚謂如見此等鬼星必是龍脈貴秀發

世不盡贅爲此鬼前沙有以應之如龍不肯斷無此鬼矣

# 流星鬼



百十四鬼名流星如星流去帶尾行主人文章有聲與貴貴清秀蜚英聲

右流星鬼星文章間望富貴清秀

發揮曰此亦文星之所變也木之秀發而成此故主出人文章而有功聞也富貴而且清秀也美文章者

有之而能使聞望振揚者難也當貴有之而能使  
濁而清且秀者難也星月皆主光耀人所仰望凡帶  
星月者未有不蜚聲馳名者也

### 蚩尤鬼




百十五星名蚩尤一星拖駸橫轉流此是火星凶殺出出  
人反叛主斬頭

右蚩尤鬼星凶殺見刑反叛誅戮

發揮曰蚩尤旗星名也非是經緯之星平時不見若

見則國有兵變若無本人名黃帝時稱兵暴亂實爲  
兵主故以名鬼其凶可知經斷所謂凶殺見形蓋此  
星見則天下不寧以其不常見故曰見形遇此鬼者  
主出人反叛爲亂終以誅夷滅門絕嗣而後已此其  
凶之應也

白芒鬼



百十六鬼名白芒二星無

鱗拖尾長尾形破碎不尖小龍

脚更如髮飛揚出人稱兵惟亂作殺人害物還自戕

右白芒鬼星盜兵作亂殘虐猛烈執謝醜沒終以自滅

發揮曰白芒一星右見則有兵變鬼星有此亦主出入稱兵作亂暴虐殘忍終以自滅所以勢謝醜沒者蓋此星見則施醜出尾或飛過即滅或見而不久故其勢易謝其醜易沒非如常星之在天萬古常存也是以爲亂之人亦不以久而滅亡也

蚩尤白芒皆非常星見則有兵流血暴骨暫見則禍小久見則禍大地理有之宜其主出人如蚩尤等輩終以滅亡也

袈裟條帶鬼




條帶袈裟百十七清氣不自文章出惟有尚僧得清名茲  
在空門不在室

右條帶袈裟鬼星尚僧清名有文有彩

發揮曰水之流而為條帶秀而不實故止主為僧清  
高文彩聲譽如有唯貴星則又主向聖承恩頒衣賜  
號而已經云效在空門不在家蓋出者貴在家者返

不貴也若於龍上生出向穴則爲雜葉龍却爲水出之秀出人清秀以科第顯矣今爲鬼星則奪我之氣而流注者也故止出空門之貴一來一去一反一順取用不同也

# 冠帔鬼




百十八鬼名冠帔小山如冠長如帔男子居家只當財女兒嫁出承封位



右冠帔鬼星男富而安女嫁而貴

發揮曰小山如冠曲山如帔故生女子貴而不生男  
子貴土星龍然常惟富故能聘女於貴人之家山之  
曲回而狹則爲釵曲回而濶則爲帔若止爲官釵之  
鬼則只主出宜婦女子不利男子及爲不吉矣

### 繩頭鬼



百十九鬼名繩頭小小絞製條復條顛風飲酒是效驗更  
會屠殺羊猪羊

右繩頭鬼星顛風嗜飲屠宰獨倭

發揮曰此水星之流失也水本秀而其流失性故只出風醉屠宰之人不能孕育清秀之士水一也失其性則流主此星辰地理與流行之水其性無以異也以流行之水觀之其源同出及流爲之派則爲清爲濁爲赤爲黑爲真穢皆此水也水星行龍中無造化而失其性流爲繩頭之象其所融結孕育不過出下賤之人而已蓋五星全在造化

三才圖會  
卷之十一  
九十四  
伏熒鬼 又名飛帶鬼

圖與經傳俱缺

百二十名伏熒鬼

子微鬼星總跋

右鬼星一百二十形並係先賢流傳以教後人今集爲一處若能細認詳審萬不失一皆須龍穴真的而有此鬼者始爲大富大貴如無纏護而氣不交會鬼出散亂斷非吉地不可用者也

發揮曰經跋謂鬼一百二十形並係先賢留傳集爲一處蓋子微因古有此名集而斷之耳即張子房王童秘授圖恒道逸太乙陰陽論陶侃白鶴仙人秘訣一行玉峰寶傳月禪師金星錄所載除禍疊見外共九十四鬼其餘二十六名未知所從來豈子微以所見而益之歟抑所傳之書未廣而不知所本歟天下之書不可勝紀其藏於秘府者固未易見而流落人間或巾笥深藏或散失棄置或逸在

名山或泄於外國如是者不可勝紀不獨地理之書爲然九流之書皆然聞見不博不可輕議也況于微周行天下其所收蓄其所聞見其所考證亦已富矣深味跋語約而旨詳觀者毋怠

劉氏俎談云王隨經該貫百家之書其書多出於秘閣靈臺人間所未嘗見者哀集類聚而立之以名自爲一家之學劉氏亦博覽之士蓋有見而云爾鬼星二十六名未知來歷者必非子微自出故經云一百二十陰鬼星歷代諸賢傳此名成集一家爲此類吉凶禍福甚分明子微自述如此則皆出於古明矣余見此書集百家之術以爲術宜其玄也或問鬼爲陰類以其目不見歟答曰取義非止乎此劉氏俎談云余嘗遇至人劉獨眼劇談天地陰陽造化

次及鬼神之事謂陽爲神陰爲鬼神魂也鬼魄也魂陽  
魄陰也神爲人福鬼爲人禍本於陽明者其性仁本於幽  
陰者其性害故害人者鬼也治鬼者神也比陰陽之分鬼  
神之情因言地理有鬼者亦然鬼非正氣者地之陰邪發  
爲贅疣羨氣之病也故名曰鬼然有吉而不全凶者譬猶  
世有鬼祟若人氣盛旺家道興隆則鬼獻禎祥反爲我福  
若人氣萎靡家道復替則鬼出妖怪能爲我禍地理之取  
義一同若龍氣貴秀穴道端的則鬼之所泄者亦旺氣也  
皆應吉證若龍氣奴庸穴道假偽則鬼之所泄者乃億氣  
也皆應凶證此全以龍穴爲主而後論鬼龍穴可主則鬼  
爲可用龍穴散慢則鬼爲我賊矣已上乃劉氏說觀此則

鬼星之義昭昭可見其爲陰類豈徒爲不見耶且官星亦有不見者亦名曰鬼其可哉

或問鬼之名何多耶答曰鬼與朱雀爲對朱雀應於前鬼星應於後故二者之名獨多劉氏俎談載劉問獨眼云張子微論鬼有一百二十形盡於此乎楊曰何啻一百二十鬼之形狀最爲繁多如飛鳳翔鸞仙鶴伏龍活蛇七星五星列星華蓋文星八座金鐘玉金御屏帝座寶蓋之類皆吉星如停棺剖棺發棺分尸流尸散花落拉嗔氣吸氣響竅蛇穴蟻房鬼林神廟仙祠雷石龍石人石虎石馬石牛石鱉石礦石黑頑石牛鼻石之類皆凶星此又在一百二十名之外也

以上劉氏說

飛鳳翔鸞形如鸞鳳飛翔故曰飛鸞

翔鳳主文章貴顯亦出貴女仙鶴如鶴伏龍如龍活蛇如蛇頗與龍名中同形同象龍主大貴鶴與蛇主清貴也七星五星列星華蓋文昌八座皆各類其星之形八座亦八星也故皆名曰星各主聰明富壽貴在其中金鐘玉金皆脫離特立如鐘釜形高者爲鐘卑者爲釜故因形以名主富貴雙全御屏帝座真形皆如龍名及朱雀所圖主大富大貴寶蓋亦然停棺如棺形而高頭向外低尾向主峯故曰停棺主喪禍連併及停棺不葬剖棺有石如棺形而石上有破裂如劈破棺故曰剖棺主身後有罪剖棺戮屍發棺有石如棺形四壁有土埋沒惟露出棺面如開墓見棺之狀故曰發棺主招凶賊劫墓開棺見屍分屍如死屍形而中斷破裂頭身不聯屬故曰分屍主子孫受誅戮流屍



如屍而去主峯遠飛去平會無所遮繫主子孫溺死無屍  
可葬散花落花如花片不聯脉主文人而貧困飄零無定  
主亦主俊女流落娼門噓氣吸氣皆山骨中空噓氣者有  
小石竅以燈當之則滅以草近之則颺以人肉近之則風  
射如箭此其地中有風從竅而出者也吸氣者亦是石中  
有小竅以草葉塞之則吸之以入以燭近之則其燄亦斜  
此其地中之風從別竅出而餘氣則自此而吸之以入者  
也主地風吹屍骸骨散亂棺木欹倒家道消退子孫滅絕  
響竅者見有穴竅呼之則如人應聲於內又非空谷襲聲  
之比此亦山中空虛聲隨穴入而應之者也主有鬼祟爭  
居人類衰絕亦主地風吹屍之應蛇穴蟻房皆地不融結  
開脉不固此為蛇虺虫蟻育之所莖之則衰退冷落而敗

或主絕嗣鬼林神廟仙祠去處如有旺氣已爲鬼神所居  
加以香火祠廟之龍骨脉孤卑不入筮格非人所用也用  
之則衰替之禍立應雷石石中有雷孕於其中其石高大  
上有白色如水晶明透此必雷孕其下者也龍石有龍孕  
於其中其石長亘其色粗白無紋脉可繫龍有數種有孕  
於水者有孕於山者逮其成龍變化則決石以出山崩水  
湧高岸爲谷深谷爲陵雖有噴赤皆湮潰遷墜况孕雷孕  
龍氣皆並於所孕雷與龍去則地脉竭而地氣枯矣固無  
問其凶禍之應若何也人石獅石虎石牛馬等石當其所  
望倉庫爲之耗折住居向之則口舌是非財物不聚此謂  
石具此形者也若鬼星有此則恐地氣融結於此至則不  
見其益而惟見其損也鰲石主生醜婦又與龜石吉凶禍福

不同所宜精別礦石出銀鐵礦也他時只利掘鑿墳墓必敗黑頑石主生冥頑之人牛鼻石春夏常溫如牛鼻頭主家業終退子孫陵替凡此皆凶證不可取用今人不曉只見山石有鬼便謂穴有證據龍氣端的殊不知有吉凶之別禍福之異也鬼星之利害至多故鬼星之名義亦移子微所取亦世人之所共知者靈臺秘閣世所未聞者又不知其幾也

或問王童秘授河圖書也答曰此識諱之文也子房微時嘗遊邯鄲道上見一鬼歌曰着青裙入天門金母在木公存人莫識也獨子房識而拜之遂授子房以圖錄其文識漢興衰及子房所葬之地因發風水精微之秘其文不類風水文字故世罕傳者其論鬼星云鬼之形我之氣應我

心爲我衛作我吉因我勢作我凶因我弊此有以見鬼之所自來也蓋鬼泄我氣而爲形者也心者穴也應作穴之處而就爲護衛其吉者我之龍勢本吉故泄而爲鬼亦吉其凶者我之龍氣已晦故所泄之氣亦不爲吉而爲凶矣下文云鬼不吉龍非美曆其中人不利惟其龍氣不美故形爲凶鬼曆者遷葬也葬於其中不利於生人矣子房神仙中人也故傳黃石公之書授王童之錄以爲帝者師不可以尋常之文觀之須要着力究竟方能透徹

或問鬼星之義甚衆何爲王童文只有九鬼荅曰此文初泄造化之秘鬼之名自茲始也當是之時世人莫知鬼星之義故天地所發之秘始陽數也極於九既發其秘一生二二生三三生萬物將至於不可終窮既啓其端智者演

而伸之觸類而長之矣此特鬼星之原本也

或問鬼何以不論生尅荅曰龍自祖宗生父母傳胎息出子孫逐節傳變造化故不得不論生尅鬼只是本身餘氣發爲贅疣所謂竊我之氣者也吉凶皆從本身生出豈可更以生尅論假如主峯是尖而鬼峯圓主峯是長而鬼峯方不復可以尖圓方長易主峯之星又如主峯是火而鬼是土土即從火中生出主峯是火而鬼是水水亦火氣蒸鬱而生者然不必如此泥只當以吉凶定之主吉則鬼亦吉主凶則鬼亦凶吉凶雖主於主峯而反能爲我之禍福譬如子泄母胞胎之氣而爲子若人家積德則生佳子弟其子弟必能興起門戶爲父母之光人家積惡則生凶子第必能破敗門戶爲父母之累此可以比類故鬼獨不

以五星論者必言凶非外來皆從本身出也

或問隔山爲應以鬼論否荅曰此乃應星非鬼星也應  
峯或隔水或隔山或隔一山照應落穴之峰其勢必高大  
於主峰或是平頭或是凹缺穴或是橫直穴非有應峯  
則穴不可遷故造己融結所以證明此穴若其峯或是別  
項龍脉生來爲應不與本身節脉關係不論生尅若生於  
本身則只於本節中分五星傳變化逐節論去不待穴  
中論之矣此應應之義如此

或問鬼星尖射自所不見既不論生尅何爲又有反射之  
嫌荅曰此是論土凶非是論生尅尖石固有秀氣若鬼帶  
尖曜外有包纏一環果抱尖石在內雖指射累山中腰此  
不爲凶而爲吉鬼有尖曜反射龍身或果纏之峰中間

生出峰面適與會夫相值則爲凶而不爲吉此不論見與不見皆見禍應多主內自戕賊家道不和凶甚者或至於弑逆不可不辨

或問鬼山爲泄我之氣其術主於收回如何收得荅曰鬼高則穴高下皆可見低則穴須低或深作尺度則鬼目然收得穴中之旺氣若鬼山低而不高則所泄之氣乃在低處收氣不回也但收氣却是以得鬼之吉凶禍福不在精別也

或問鬼山若高於主峰數倍吉否荅曰愈高愈有力量豈云不吉但不可有凌壓之勢或曰然則其法當如何收氣荅曰鬼峰雖高過脉必低只當於過脉高下取裁不於峰勢高下斟酌或問鬼峰雖高過脉貼地或全然閃斷如何

區處答曰此又當權

變若貼地閃斷則謂之閃脫之氣也

不須執泥故曰但當

論穴法正當穴法正則鬼爲我之用

也若執泥收氣之說

則必下遷瘟黃絕穴充非所宜此全

在變通

或問觀鬼星之吉者其應可致公相否而白雲先生以本  
身之氣爲鬼乃云曜鬼鬼賤何也答曰此非謂富貴貧賤  
也言地理中曜星可貴而鬼星可賤以其竊本身之氣而  
爲鬼而又不全爲福且能爲禍故曰曜貴鬼賤猶言曜重  
鬼輕也若遂以爲曜主貴而鬼主賤則非矣曰然則曜非  
本身之氣歟曰皆是也但鬼曜之氣不同當穴者爲鬼傍  
出者爲曜曜本是本身秀氣旺盛溢而爲曜其形必多石  
骨尖射其應則孕秀出貴鬼是漏泄本身真氣其形必多



土少石多圓少尖或長直屈曲或假偽形狀作鬼恠小穴其應不全吉亦不全凶皆隨本身臧否以爲禍福此所以術家貴於得曜而賤於得鬼若以鬼爲可賤而并鬼者棄之則非也

或問鬼曜從本身生出何以言見曜是溢出之氣鬼是竊漏之氣荅曰鬼在穴后是分得作穴之氣以爲鬼故取氣於竊而名之曰鬼曜與穴不相干則是餘剩之氣耳古之人所以取義皆非苟然故曜如星曜光芒鬼如幽陰鬼崇即名以審義燦然可見矣

或問范越鳳出於子微之門何爲絕口不言鬼豈鬼不足取歟荅曰鬼非不足取蓋鬼雖能爲禍福之應而地之輕重不在鬼地吉而后鬼吉地凶而后鬼凶鬼非自能轉運

禍福故好地不必有鬼有鬼不必是地所以前賢議論多  
不及者蓋十地中或無一有鬼在所不必論况子微發越  
諸家之說聚集諸家之鬼莫盡於此不待越鳳更言之矣  
地之緊要若龍若穴若青龍若白虎朱雀玄武若堂局若  
水城若纏護若前沙后應此其緊者也鬼則或有或無若  
龍穴旣真鬼必無凶越鳳之論顧有所先焉耳非不取也  
或問陶公尋龍捉脉賦云有劫方爲福無鬼不成官而術  
家以鬼劫爲凶殺蔡氏亦謂氣散者爲鬼劫何也荅曰鬼  
劫之說有二其一言氣散者謂枝飛葉開去無情或反而  
射或走而長或離而絕或分而亂或爲撒茅或如遺針或  
如蛇出籠或如鱗脫網欹斜偏側涸燥沙碎皆鬼劫也此  
爲凶鬼凶劫其二是言秀耀之氣如陶公所謂劫者曜氣

也鬼者即鬼星也此爲吉劫吉鬼然皆是本身之氣發越而成者也但尖者不射長者不去走者必回離者必顧斜者不偏側者不削乾者不塵潤者不滋石者不枯土者不潰積者不牽直者不衝夫是以離散而復聚終爲我用耀氣可以發達鬼氣可以收回此鬼劫吉凶之辯也

或問玉峰寶傳云官曜實地鬼居虛位實地虛位何以分別荅曰曜是秀氣旺相發越有即出官其曜雖長而不去必皆石尖故曰實地亦是確實有應之物也鬼是竊瀦本身正氣吉凶禍福無定有亦可無亦可吉地龍穴既正鬼特證應穴法而已輕重乃不在鬼故曰虛位言虛位鬼一位星辰或有或無皆可也

或問玉峰寶傳云二鬼生二鬼死三鬼絕然則如品字三

台之類皆絕歟曰此非也此言地氣耳言鬼多則耗散地氣故上文云地之有氣與人無異耗小則捷耗多則斃泄爲一鬼則地氣生泄爲二鬼則地氣死泄爲三鬼則地氣絕矣所以術家有收回之說然此亦是指無情無用之鬼而言即鬼劫之鬼也故下文云散漫不情爲祟爲禍是也若吉地好鬼雖泄本身之氣葬得正穴自有力量反以益我何死絕之有耶

或問玉峰寶傳又云鬼者詭也莫定其形此何以言詭而莫定其形耶答曰言其出而爲鬼則取爲鬼恠奇異不可以五星之形定名故止名之曰鬼蓋取義於詭之象其下文又云觀詭之脉知穴之情言觀其詭恠之脉所在既知正穴之情當在何處也此非爲詭譎而不可測度之謂

或問李淳風小卷云山直則穴曲山凹則穴宜猛則穴於  
穹環之側弱則穴於雄捍之傍的然無害如此則不必取  
鬼爲證答曰此言非爲鬼設但是泛言穴法也豈穴有  
鬼豈有專取的於鬼亦有有鬼而不當穴者亦宜以穴法  
通變不必泥鬼也

或問曰或有以龍爲鬼者何答之曰龍不可爲鬼蓋有龍  
傳入穴泄爲支脉或在龍身主峰之后或隔主峰一坡爲  
穴之應因謂之鬼亦以其泄龍正脉之氣耳若傳龍之穴  
如花有幹豈得龍謂之鬼耶

或問楊仙論官曜皆身外之物是亦鬼之類也何以不及  
鬼答之曰官曜二星地資以貴彼以無官曜則不得謂之  
貴地未聞無鬼則地不爲貴者也官曜是發秀之星故曜

星書專門之術以爲無官曜則難於發貴此意大與鬼星不同然官曜固是好處亦有大地不帶官曜者不可執泥揚公之論以爲龍虛穴假亦無曜空有星峰層疊昭縱饒積王與堆金兒孫必定賢能少是無曜則此地雖有秀峰不可用矣又云官曜二星真無價山在穴前形醜差王公卿相此中生世俗庸愚兒郎怕又云星不照穴難安穴照著家豪又出官又云星不照官不來三峰五峰護昭回青杉木笏卑官職也知到任即包灰若以揚公之論推之則無官曜者其地全然不堪取用要之此特各主其術而言古今仙蹤出大貴人處豈必拘此觀揚公之論則所主者全在官曜所以不在鬼而辭不及也

吳香山云鬼在地理中不係屈指亦不在星辰之例凡論

地理只看來龍入穴左右龍虎朱雀前沙及山大情交會與不交會四維八峙缺折與不缺折鬼置之勿論可也但穴有偏斜處却有借鬼爲證者然不成無鬼便不葬畢竟天造地設自有區處以香山之言證之則諸仙輩所以不及鬼者在所不必論耳予微所以備載之者集成一家之書且以指后人之迷使知吉凶之別然以鬼星之吉凶爲地之去取則非矣先當以龍穴爲主朝應次之鬼則從之者也

飛符經云官曜與鬼相對數即曰鬼可無官曜不可無楊亦云官曜雖分兩名其實只是一體鬼不在官曜之數白雲先生云官曜與鬼相對官曜重而鬼輕鬼是外來客鬼謂此語未是白雲先生之意以鬼當外客不能爲本家重

輕殊不知鬼是我生出若應穴之峰却可指作外客鬼不可指作外客也

盧綱云官與鬼同吉凶鬼不可同官曜論吉凶愚謂鬼可言吉凶官曜有吉無凶凶者是劫與殺非官曜也

飛天眼云官曜與鬼鼎足立貴氣皆在官曜集鬼偷本身作贅疣可有可無非所急

郭守一云以有爲曜以無爲鬼有取驗無取應驗則富貴出焉應則穴法定焉驗富貴者宜有定穴法者可無故貴地必有曜穴法可無鬼此輕重之分別也

袁天剛云鬼氣是病債中生出有病故有鬼若天然大地即渾然無鬼天剛之意蓋謂凡地有鬼處必是偶然穴有偏斜或是凹缺或是橫龍或是閃過或是空濶難定穴道



故有鬼以爲之證應故曰有病而后有鬼此語極造理  
地訣陽秋云官以見貴曜以旌秀鬼以定穴知官識曜明  
鬼之恠地無餘蘊

二水記云鬼插天地不玄鬼貼地脉不至有不如無出大  
規模無不如有救形之醜有無之間遷穴必難高不雄低  
不伏圓無缺失無觸閃可尋斷可續去即回泄即復戀戀  
有情乃地之福此言大地之形規模寬宏必無用鬼若形  
醜穴異則必要有鬼方爲直穴若似有似無之間則難於  
遷穴矣鬼若高而過雄峻插雲天則鬼欺主人此地不吉  
鬼若低而貼地不能成形則氣泄而敗地脉衰而龍氣不  
至亦非吉地圓則光淨無缺失則回互不射脉若逃閃而  
可尋投山若擷斷而有接續鬼雖長而去歟終於回頭護

衛而初頭雖若泄漏本身之氣然可收拾護穴戀戀於本身之氣自然有情如此乃能爲地之福反此則凶

賴布衣云無曜不成地無鬼不成穴此語未善若例以爲無鬼不成穴則非矣天下地豈皆有鬼耶此或有所爲而言者矣

明堂內經云去龍坐鬼乃得其氣此特言截氣作穴若龍氣不住作穴而去則只拋去龍下穴可以截得其氣若龍從傍去有鬼可拋則對鬼坐穴者亦是此意

金鎖秘訣云大地無鬼氣脉正也小地出鬼氣脉偏也鬼曜相似而义不同鬼劫相近而形不同巧拙之辯分毫之別此意與二水記有不如無出大規模者同蓋造化之融結大地山水交會雌雄交感成大堂局龍脉必正形穴必

端縱有奇巧怪異不入俗眼知者一見可決其融結氣脉必是大盡去處故斷然無鬼小地氣脉偏斜必假鬼以證應故多有鬼然曜與鬼相似而鬼劫亦混雜難別此除非目力精巧而后可以辯其名與形也

紫微堂訣云無鬼不是地而是地無鬼無曜不出官而官無曜此術家險語也其意易見大率與二水記金鎖訣意同

赤靈經云官供廼職鬼還我氣此特言鬼與本身有情雖去而復還者也

瓊林玉函經內卷云無鬼不詭有鬼成怪此言地有鬼者其形穴必是怪狀觀前代先賢千經萬論所論官曜與鬼辭雖不同意無不一大抵官曜不可無鬼可無然以愚觀

之官曜有固云美無亦難泥鬼有不爲害無不爲欠地之  
大者多不出鬼有鬼者多是詭恠之穴須鬼以證者也凡  
所謂大地却有數等有內明堂二三十里者有十數里有  
二三里者今之龍虎環抱堂局齊整者亦謂之大地如此  
決然無鬼然亦不必是偏斜鬼恠方爲鬼固有龍脉正穴  
形端而有鬼者但不拘有鬼而後爲地耳鬼以高者爲貴  
而亦惡其峻挿雲天者懼凌壓也若主山後無山則正須  
高峰爲之蔽障何惡於高如鬼出爲玉樓寶殿豈容不高  
但看高之勢何如或語余曰前賢多不論鬼而子獨贅及  
何也荅之曰正爲前賢畧也余故詳之且撫諸家之說集  
于卷尾所以祛后人之惑云耳

以上係菊坡崔先生與之續說

玉髓真經卷之十二終